

# ВОСКРЕСНАЯ СЛУЖБА

для тех, кто не может быть в храме

Даниловский благовестник, Москва, 2003

|  |    |
|--|----|
| Предисловие .....  | 2  |
| ВЕЛИКАЯ ВЕЧЕРНЯ .....  | 4  |
| КАФИЗМА ПЕРВАЯ.....  | 5  |
| ОКОНЧАНИЕ ВЕЧЕРНИ .....  | 11 |
| МАЛОЕ ПОВЕЧЕРИЕ .....  | 12 |
| КАНОН Пресвятей Богородице, глас 6 .....                               | 14 |
| ОКОНЧАНИЕ ПОВЕЧЕРИЯ.....   | 18 |
| ПОЛУНОЩНИЦА ВОСКРЕСНАЯ .....   | 20 |
| КАНОН Пресвятей и Животворящей Троице,.....                            | 21 |
| ОКОНЧАНИЕ ПОЛУНОЩНИЦЫ .....  | 25 |
| УТРЕНЯ.....  | 26 |
| ШЕСТОПСАЛМИЕ .....   | 27 |
| КАФИЗМА ВТОРАЯ.....  | 30 |
| КАФИЗМА ТРЕТЬЯ.....  | 33 |
| КАФИЗМА 17 (непорочны).....  | 36 |
| СТЕПЕННЫ, глас 6 .....   | 40 |
| ВОСКРЕСНОЕ ЕВАНГЕЛИЕ .....   | 41 |
| КАНОНЫ воскресен, крестовоскресен и Пресвятей Богородице, глас 6 ..... | 43 |
| ОКОНЧАНИЕ УТРЕНИ.....  | 54 |
| ЧАС ПЕРВЫЙ.....  | 54 |
| ЧАСЫ И ИЗОБРАЗИТЕЛЬНЫ (ОБЕДНИЦА).....                                  | 59 |
| ЧАС ТРЕТИЙ.....  | 59 |
| ЧАС ШЕСТЫЙ .....   | 61 |
| ЧАС ДЕВЯТЫЙ .....  | 64 |
| ИЗОБРАЗИТЕЛЬНЫ .....   | 66 |
| БЛАЖЕННЫ .....   | 67 |
| АПОСТОЛ .....  | 68 |
| ЕВАНГЕЛИЕ.....   | 68 |
| ОКОНЧАНИЕ ИЗОБРАЗИТЕЛЬНЫХ .....  | 70 |
| Необходимые пояснения .....  | 71 |

## Предисловие

Воскресный день – день особый, праздничный. Это не просто день отдыха от добывания «хлеба насущного», от повседневного, будничного труда. Это день, посвященный Богу. «Шесть дней работай и делай в них всякие дела твои, а день седьмой – ... Господу Богу твоему...» (Исх. 20, 9-10). По Ветхому Завету, таким днем был день субботний. Мы, христиане Нового Завета, празднуем и почитаем воскресный день – день Воскресения из мертвых Господа нашего Иисуса Христа.

Как же достойно провести воскресный день? В первую очередь, конечно, молитва в храме, участие в церковном богослужении. На Божественной литургии приносится Бескровная Жертва за нас, за грехи наши, поэтому благоговейно присутствовать при этом Великом Таинстве и молитвенно участвовать в нем – долг верных чад Церкви, а по мере духовного возрастания для верующего человека становится потребностью участие если не во всех, то по крайней мере воскресных и праздничных церковных службах.

Необходимо также помнить, что согласно 80-му правилу VI Вселенского Собора, христианин, пропустивший подряд три воскресных богослужения в храме, отлучается от единения с Церковью Христовой.

Но что делать православному человеку, живущему вдали от храма? Как почтить воскресный день, находясь в болезни, в немощех лежащим, когда человек физически не в состоянии дойти до храма? Как молиться инвалиду, годами не выходящему из дома? Как быть в узах сущим – находящимся в заключении и пришедшим там к спасительной вере? Как помолиться в воскресный праздник общине верующих в восстанавливаемом храме, где еще нет священника? Что делать, если ты в длительном путешествии или заграничной командировке?

Наша книга, ни в коем случае не заменяя церковного богослужения, поможет православному человеку, находящемуся в подобных затруднительных обстоятельствах, достойно почтить воскресный день. К сожалению, многие, не зная, как молиться дома, или читают полностью последование службы, включая и священнические возгласы и ектений, что делать не положено, или читают что-либо на свое усмотрение (например, акафисты), или вообще остаются без молитвы. Но верное чад Церкви должно быть послушным во всем. Поэтому, по слову священноисповедника Афанасия (Сахарова), православный человек должен и в храме, и дома «творить молитву не только как каждому хочется, а за святое послушание, с любовью и смирением исполнять Устав Церковный». Наша книга поможет в этом.

Наши благочестивые предки – русские люди православные – хорошо знали не только как совершать свое келейное домашнее правило, но и как мирянин в случае необходимости, если нет никакой возможности быть в храме, может прочитать церковные службы дома. Еще совсем недавно многие пожилые прихожане знали, что такое обедница. Сейчас это встречается все реже. А «обедница» – это еще одно название части литургии оглашенных – изобразительных. «Править обедницу» – очень древняя традиция отшельников, монастырских скитов, где не было священника.

При богоборческой власти, закрывавшей храмы и уничтожавшей священство, многие православные люди вернулись к этой традиции. Недавно почившая старейшая прихожанка Данилова монастыря схимонахиня Даниила (в миру Прасковья Емельяновна Мачкина), пережившая все эти страшные гонения, а в старости по немощи не имевшая возможности посещать богослужения в храме, вычитывала дома каждый день, причем не только обедницу, но и все службы. И сейчас среди прихожан много любящих молиться и стремящихся научиться истинной молитве, и знание, как правильно молиться по Уставу Церкви, не должно прерываться.

В нашей книге мы даем воскресную службу в полном ее объеме – то есть весь суточный круг воскресного богослужения. По Уставу полагается вечером в субботу прочитать вечерню и повечерие, а воскресным утром – полунощницу, утреню и часы с

изобразительными. Начинающие и те, кому по немощи тяжело прочитывать всю службу, могут, по благословению своего духовника, читать какое-то время то, что им по силам.

Наше издание поможет всем православным людям, в том числе и тем, кто постоянно ходит в храм, более подробно и внимательно ознакомиться с воскресной службой. Для более глубокого понимания богослужения в тексте даны необходимые пояснения. Тем же, кто живет вдали от храма, поможет воцерковиться и подготовиться к участию в церковном богослужении.

# ВЕЛИКАЯ ВЕЧЕРНЯ<sup>1</sup>

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Читается трижды, с крестным знаменем и поясным поклоном.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды).*

Слава, и ныне:

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго<sup>2</sup>.

Господи, помилуй. *(12 раз).*

Слава, и ныне:

Приидите, поклонимся Цареве нашему Богу. *(Поклон.)*

Приидите, поклонимся и припадем Христу, Цареве нашему Богу. *(Поклон.)*

Приидите, поклонимся и припадем Самому Христу, Цареве и Богу нашему. *(Поклон.)*

## Псалом 103, предначертательный<sup>3</sup>

Благослови, душе моя, Господа. Господи, Боже мой, возвеличился еси зело. Во исповедание и в велелепоту облечлся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещения Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждуд онагри в жажду свою. На тых птицы небесныя привитают,

---

<sup>1</sup> ВЕЧЕРНЯ – одно из суточных богослужений, совершаемое вечером, первая суточная служба, потому что церковный день начинается с вечера накануне. Причин этому несколько. В библейской истории сотворения мира вечер всегда упоминается прежде утра: «и бысть вечер и бысть утро, день един...» (Быт. 1, 5) – то есть Сам Бог начинает день с вечера. На это указывает заповедь Господня Моисею, как праздновать субботу: «...никакого дела не делайте в день сей, ибо это день очищения, дабы очистить вас пред лицом Господа, Бога нашего... от вечера до вечера... празднуйте субботу вашу» (Лев. 23, 28-32).

<sup>2</sup> По обычаю, после «Отче наш» миряне вместо священнического возгласа «Яко Твое есть Царство...» произносят Иисусову молитву: «Господи Иисусе Христе Сыне Божий, помилуй нас. Аминь.»

<sup>3</sup> Псалом назван предначертательным, так как с него начинается вечерня. Это псалом, «благословляющий Господа, повествующий о Его делах и благодарящий за все, ибо при окончании дня достойно благодарить Бога за все» (здесь и далее цитаты из книги «Сочинения блаженного Симеона, архиепископа Фессалоникийского»).

от среды камня дадут глас. Напаяя горы от превыспренных Своих, от плода дел Твоих насытится земля. Прозябая траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающи, восхитити и взыскати от Бога пищу себе. Возсия солнце и собращася, и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егоже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благости, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеси Духа Твоего, и созиждутся, и обновиши лице земли. Буди слава Господня во веки, возвеселится Господь о делех Своих, призирая на землю, и творяя ю трястися, прикасаяся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им.

Благослови, душе моя, Господа. Солнце позна запад свой: положил еси тму и бысть ночь. Яко возвеличишася дела Твоя, Господи, вся премудростью сотворил еси.

Слава и ныне:

Аллилуия, аллилуия, аллилуия, слава Тебе, Боже. *(Трижды с поклонами).*

Господи, помилуй. *(12 раз).*

Слава и ныне:

## КАФИЗМА ПЕРВАЯ<sup>1</sup>

### Псалом 1

Блажен муж, иже не иде на совет нечистивых и на пути грешных не ста, и на седалищи губителей не седе, но в законе Господни воля его, и в законе Его поучится день и ночь. И будет яко древо насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. Не тако нечестивии, не тако, но яко прах, егоже возметает ветер от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечистивых погибнет.

### Псалом 2

Вскую шаташася языцы, и людие поучишася тщетным? Предсташа царие земстии, и князи собращася вкупе на Господа и на Христа Его. Расторгнем узы их и отвержем от нас иго их. Живый на Небесех посмеется им, и Господь поругается им. Тогда возглаголет к ним гневом своим и яростию Своею смятет я. Аз же поставлен есмь Царь от Него над Сионом, горою святою его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достояние Твое, и одержание Твое концы земли. Упасеши я жезлом железным, яко сосуды скудельничи сокрушиши я. И ныне, царие, разумеите,

---

<sup>1</sup> Чтение ПЕРВОЙ КАФИЗМЫ напоминает молящимся о блаженном состоянии наших прародителей в раю, а затем – о раскаянии согрешивших и их надежде на обетованного Богом Искупителя.

накажитесь все судящие земли. Работайте Господеви со страхом и радуйтеся Ему с трепетом. Примите наказание, да не когда прогневаеся Господь и погибнете от пути праведного, егда возгорится вскоре ярость Его. Блаженны все надеющиеся Нань.

### Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востях, яко Господь заступит мя. Не убоюсь от тем людей, окрест нападающих на мя. Воскреси, Господи, спаси мя, Боже мой, яко Ты поразил еси вся враждующия ми всуе: зубы грешников сокрушил еси. Господне есть спасение, и на людех Твоих благословение Твое.

Слава и ныне:

Аллилуия, аллилуия, аллилуия, слава Тебе, Боже. *(Трижды с поклонами).*

Господи, помилуй. *(Трижды).*

Слава и ныне:

### Псалом 4

Внегда призвати ми, услыша мя Бог правды моея, в скорби распространил мя еси, ущедри мя и услыши молитву мою. Сынове человечести, доколе тяжкосердии? Вскую любите суету и ищите лжи? И уведите, яко удивил Господь преподобнаго Своего: Господь услышит мя, внегда воззвати ми к Нему. Гневайтесь, и не согрешайте, яже глаголете в сердцах ваших, на ложах ваших умилитесь. Пожрите жертву правды и уповайте на Господа. Мнози глаголют: кто явит нам благая? Знаменася на нас свет лица Твоего, Господи. Дал еси веселие в сердце моем: от плода пшеницы, вина и елея своего умножишася. В мире вкупе усну и почию, яко Ты, Господи, единого на уповании вселил мя еси.

### Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя: яко Бог не хотяй беззакония, Ты еси: не приселится к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие, погубиши вся глаголющия лжу: мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льстят. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся все уповающии на Тя, во век возрадуются, и вселишися в них и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

### Псалом 6

Господи, да не яростию Твоею обличиши мене, ниже гневом Твоим накажешо мене. Помилуй мя, Господи, яко немощен есмь, исцели мя, Господи, яко смятошася кости моя, и душа моя смятася зело: и Ты, Господи, доколе? Обратися, Господи, избави душу мою: спаси мя ради милости Твоея: яко несть в смерти поминаяй Тебе, во аде же кто исповестся Тебе? Утрудихся воздыханием моим, измыю на всяку ночь ложе мое, слезами моими постелю мою омочу. Смятася от ярости око мое, обетшах во всех вразех моих. Отступите от мене, все делающии беззаконие,

яко услыша Господь глас плача моего: услыша Господь моление мое, Господь молитву мою прият. Да постыдятся и смятутся вси врази мои, да возвратятся и устыдятся зело вскоре.

Слава и ныне:

Аллилуия, аллилуия, аллилуия, слава Тебе, Боже. *(Трижды с поклонами).*

Господи, помилуй. *(Трижды).*

Слава и ныне:

## Псалом 7

Господи Боже мой, на Тя уповах, спаси мя от всех гонящих мя и избави мя: да не когда похитит яко лев душу мою, не сущу избавляющую, ниже спасающую. Господи Боже мой, аще сотворих сие, аще есть неправда в руку мою, аще воздах воздающим ми зла, да отпаду убо от враг моих тощ. Да поженет убо враг душу мою и да постигнет, и поперет в землю живот мой, и славу мою в персть вселит. Воскресни, Господи, гневом Твоим, вознесися в концах враг Твоих, и востани, Господи Боже мой, повелением, имже заповедал еси. И сонм людей обыдет Тя, и о том на высоту обратися. Господь судит людем: суди ми, Господи, по правде моей, и по незлобе моей на мя. Да скончается злоба грешных, и исправиши праведнаго, испытай сердца и утробы, Боже, праведно. Помощь моя от Бога, спасающаго правыя сердцем. Бог Судитель праведен и крепок, и долготерпелив, и не гнев наводяй на всяк день. Аще не обратитесь, оружие Свое очистит, лук Свой напряже и уготова и и в нем уготова сосуды смертныя, стрелы Своя сгараемым содела. Се боле неправдою, зачат болезнь, и роди беззаконие: ров изры, и ископа и, и падет в яму, юже содела. Обратится болезнь его на главу его, и на верх его неправда его снидет. Исповемся Господеви по правде Его и пою имени Господа Вышняго.

## Псалом 8

Господи, Господь наш, яко чудно имя Твое по всей земли, яко взятся великолепие Твое превыше небес. Из уст младенец и ссущих совершил еси хвалу, враг Твоих ради, еже разрушити врага и местника. Яко узрю небеса, дела перст Твоих, луну и звезды, яже Ты основал еси. Что есть человек, яко помниши его? Или сын человекь, яко посещаеши его? Умалил еси его малым чим от ангел, славою и честию венчал еси его. И поставил еси его над делы руку Твоею, вся покорил еси под нозе его. Овцы и волы вся, еще же и скоты польския, птицы небесныя, и рыбы морския, преходящая стези морския. Господи, Господь наш, яко чудно имя Твое по всей земли.

Слава и ныне:

Аллилуия, аллилуия, аллилуия, слава Тебе, Боже. *(Трижды с поклонами).*

Господи, помилуй. *(Трижды).*

Слава и ныне:

## Господи, воззвах<sup>1</sup>

Господи, воззвах к Тебе, услыши мя; услыши мя, Господи. Господи, воззвах к Тебе, услыши мя; вонми гласу моления моего. Внегда воззвати ми к Тебе; услыши мя, Господи. Да исправится молитва моя, яко кадило пред Тобою, воздеяние руку мою, жертва вечерняя. Услыши мя, Господи.

---

<sup>1</sup> «ГОСПОДИ ВОЗЗВАХ» – это псалмы 140, 141, 129, 116; в них передан плач Адама, скорбь нашего падшего прародителя и его молитвенные воздыхания пред заключенными вратами рая, а вместе с тем и твердое упование, что Господь по вере в обещанного Искупителя очистит и избавит род человеческий от греховных падений.

Положи, Господи, хранение устом моим и дверь ограждения о устнах моих. Не уклони сердце мое в словеса лукавствия, непщевати вины о гресех, с человеки делающими беззаконие: и не сочтуса со избранными их. Накажет мя праведник милостию и обличит мя, елей же грешнаго да не намастит главы моя: яко еще и молитва моя во благоволениях их. Пожертвы быша при камени судии их: услышатся глаголи мои, яко возмогша. Яко толща земли проседеса на земли, расточишася кости их при аде. Яко к Тебе, Господи, Господи, очи мои: на Тя уповах, не отыми душу мою: сохрани мя от сети, юже составиша ми, и от соблазн делующих беззаконие. Падут во мрежу свою грешницы: един есмь аз, дондеже прейду.

Гласом моим ко Господу воззвах, гласом моим ко Господу помолихся. Пролию пред Ним моление мое, печаль мою пред Ним возведу. Внегда исчезати от мене духу моему, и Ты познал еси стези моя. На пути сем, по немуже хождах, скрывает сеть мне. Смотрях одесную и взглядах, и не бе знаяй мене. Погибе бегство от мене, и несть взыскай душу мою. Воззвах к Тебе, Господи, рех: Ты еси упование мое, часть моя еси на земли живых. Вонми молению моему, яко смирихся зело, избави мя от гонящих мя, яко укрепилася паче мене.

### Стихиры воскресны<sup>1</sup>, глас 6

*Стих:* Изведи из темницы душу мою, исповедатися имени Твоему.

Победу имея, Христе, юже на ада, на Крест возшел еси, да во тьме смерти седящая воскресиши с Собою, иже в мертвых свободь: источаяй живот от Своего света, Всесильне Спасе, помилуй нас.

*Стих:* Мене ждут праведницы, дондеже воздаси ми.

Днесь Христос смерть поправ, якоже рече, и радование миру дарова, да вси зывающе, песнь тако рцем: Источниче жизни, неприступный Свете, Всесильне Спасе, помилуй нас.

*Стих:* Из глубины воззвах к Тебе, Господи, Господи, услыши глас мой.

Тебе, Господи, Суцгаго по всей твари, грешнии камо бежим? на Небеси Сам живещи, во аде поправ еси смерть. Во глубины морския? Тамо рука Твоя, Владыко. К Тебе прибегаем, Тебе припадающе молимся: Воскресый из мертвых, помилуй нас.

*Стих:* Да будут уши Твои внимлюще гласу моления моего.

Крестом Твоим, Христе, хвалимся, и воскресение Твое поем и славим: Ты бо еси Бог наш, разве Тебе инаго не вемы.

*Стих:* Аще беззакония назриши, Господи, Господи, кто постоит? Яко у Тебе очищение есть.

Выну благословяще Господа, поем Воскресение Его: Крест бо претерпев, смертью смерть погуби.

*Стих:* Имене ради Твоего потерпех Тя, Господи, потерпе душа моя в слово Твое, упова душа моя на Господа.

Слава силе Твоей, Господи, яко упразднил еси державу имущаго смерти: обновил еси нас Крестом Твоим, даруя нам живот и нетление.

*Стих:* От стражи утренния до нощи, от стражи утренния, да уповает Израиль на Господа.

Погребение Твое, Господи, узы адовы сокрушившее растерза: еже из мертвых воскресением, мир просвети, Господи, слава Тебе.

### Иные стихиры Богородице, творение Павла Аморийскаго, глас 3-й.

*Стих:* Яко у Господа милость и многое у Него избавление: и Той избавит

---

<sup>1</sup> СТИХИРЫ – песни или гимны, составленные в честь Спасителя, Божией Матери или святых, они обычно соединяются со СТИХАМИ из псалмов, что означает исполнение Ветхого Завета в Новом Завете.



Израиля от всех беззаконий его.

Видящи немощ мою телесную, и душевное страдание, и сердечное озлобление, посещения сподоби мя Божественного, Всенепорочная Дево, спаси мя, молюся, теплыми Твоими молитвами.

*Стих:* Хвалите Господа, вси языцы, похвалите Его, вси людие.

Всех преидох, Владычице, согрешеньми: но множества сих, Дево, очищши, милостей получитьи ми, Чистая, сподоби, в будущем суде, Сына и Бога Твоего.

*Стих:* Яко утвердися милость Его на нас, и истина Господня пребывает во век.

Множество согрешений моих зовущаго, очисти, Чистая, и чувствий моих неуставная движения молитвенным мечем ссецы: яко да верою и любовью пою Твое безсеменное Рождество.

### Догматик<sup>1</sup>, глас 6

Слава, и ныне: Кто Тебе не ублажит, Пресвятая Дево; кто ли не воспоеет Твоего Пречистаго Рождества; безлетно бо от Отца возсиявый Сын Единородный, Тойже от Тебе, Чистая, пройде, неизреченно воплоться, естеством Бог Сый, и естеством быв человек нас ради, не бо двою лицу разделяемый, но во двою естеству неслитно познаваемый. Того моли, Чистая, Всеблаженная, помиловатися душам нашим.

### Вечерняя песнь Сыну Божию, творение Софрония, патриарха Иерусалимского<sup>2</sup>

Свете тихий святых славы, Безсмертнаго Отца Небеснаго, Святаго, Блаженнаго, Иисусе Христе! Пришедше на запад солнца, видевши свет вечерний, поем Отца, Сына и Святаго Духа, Бога. Достоин еси во вся времена пет быти гласы преподобными, Сыне Божий, живот даяя; темже мир Тя славит!

### Прокимен вечерний<sup>3</sup>

Прокимен, глас 6: Господь воцарися, в лепоту облечеса.

*Припев:* Господь воцарися, в лепоту облечеса.

*Стих:* Облечеса Господь в силу и препоясася.

*Припев:* Господь воцарися, в лепоту облечеса.

*Стих:* Ибо утверди вселенную, яже не подвижится.

*Припев:* Господь воцарися, в лепоту облечеса.

*Стих:* Дому Твоему подобает святыня, Господи, в долготу дней.

*Припев:* Господь воцарися, в лепоту облечеса.

*Стих:* Господь воцарися.

*Припев:* в лепоту облечеса.

Господи, помилуй. (40 раз с тремя поклонами вначале)

Слава, и ныне:

### Молитва вечерняя

Сподоби, Господи, в вечер сей без греха сохранитися нам (*поклон*). Благословен

<sup>1</sup> ДОГМАТИК – стихира в похвалу Пресвятой Богородицы, содержащая догматическое учение о воплощении Господа и соединении в Нем двух естеств – Божественного и человеческого.

<sup>2</sup> «СВЕТЕ ТИХИЙ» – высокая и святая вечерняя песнь, прославляющая Христа Спасителя за сошествие Его на землю и совершение нашего искупления, поется всегда на вечерне с особнным вниманием и благоговением. По другим источникам, ее автор – свщмч. Афиноген.

<sup>3</sup> ПРОКИМЕН (с греч. – положен впереди) – стих из псалмов Давидовых, сопровождаемый другими стихами, служащими ему пояснением.

еси, Господи, Боже отец наших (*поклон*), и хвально и прославлено имя Твое во веки. Аминь (*поклон*).

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Господи, помилуй. (*12 раз*)

Слава, и ныне:

### Стихиры на стиховне<sup>1</sup>, глас 6-й:

Воскресение Твое, Христе Спасе, Ангели поют на небесех, и нас на земли сподоби, чистым сердцем, Тебе славити.

*Стих:* Господь воцарися, в лепоту облечеса.

Врата сокрушив медная, и веревы адовы сотрый, яко Бог всемогущ, род человеческий падший воскресил еси. Сего ради и мы согласно вопием: воскресый из мертвых, Господи, слава Тебе.

*Стих:* Ибо утверди вселенную, яже не подвижится.

Тления нас древняго Христос избавити хотя, на Кресте пригвождается и во гробе полагается, Егоже мироносицы жены со слезами искаху, плачуща глаголаху: увы нам, Спасе всех, како изволил еси во гробе вселитися; вселивыйся же хотяй, како украден был еси; како преложился еси; кое же место Твое живоносное сокры тело; но, Владыко, яко обещался еси, нам явися, и утоли от нас рыдание слез. Плачущамся же им, Ангел к ним возопи: от плача преставша апостолом рцыте, яко воскрес Господь, мирови даруя очищение и велию милость.

*Стих:* Дому Твоему подобает святыня, Господи, в долготу дней.

Распныйся яко восхотел еси, Христе, и смерть погребением Твоим пленивый, тридневен воскрес еси, яко Бог со славою, мирови даруя безконечную жизнь и велию милость.

Слава, и ныне: Творец и Избавитель мой, Пречистая, Христос Господь из Твоих ложеиш прошед, в мя оболкийся, первая клятвы Адама свободы. Темже Ти, Всечистая, яко Божии Матери же и Деве, воистинну, вопием немолчно: радуйся ангельски, радуйся, Владычице, предстательство и покрове, и спасение душ наших.

### Молитва св. прав. Симеона Богоприимца

Ныне отпускаеши раба Твоего, Владыко, по глаголу Твоему с миром; яко видеста очи мои спасение Твое, еже еси уготовал пред лицом всех людей, свет во откровение языков, и славу людей Твоих Израиля.<sup>2</sup>

Трисвятое. Пресвятая Троице: Отче наш:

<sup>1</sup> СТИХИРА НА СТИХОВНЕ, или СТИХОВНЫ, – так называются стихиры, перед которыми поются каждый праздник различные, соответствующие именно этому празднику стихи из псалмов. В воскресный день поются воскресные стихи – «Господь воцарися...»

<sup>2</sup> Отходя ко сну, как от жизни к смерти, с благоговением произносим благодарственную песнь «НЫНЕ ОТПУЩАЕШИ», в которой повествуется о сретении праведным Симеоном Богоприимцем Господа нашего Иисуса Христа в Иерусалимском храме (Лк. 2, 25-32). «Святой Симеон просил разрешения души от тела, увидев спасение Божие, мы же просим разрешения души от страстей, от вражиих искушений и сугубых недугов, душевных и телесных». Эта молитва говорит нам также о необходимости постоянного памятования о часе смертном.

## Тропарь воскресный<sup>1</sup>, глас 6-й:

Ангельския силы на гробе Твоем, и стрегущии омертвеша: и стояше Мариа во гробе, ищущи Пречистаго Тела Твоего. Пленил еси ад, не искусився от него: сретил еси Деву, даруяй живот. Воскресый из мертвых, Господи, слава Тебе.

Слава, и ныне: Благословенную нарекий Твою Матерь, пришел еси на страсть вольным хотением, возсияв на Кресте, взыскати хотя Адама, глаголя Ангелом: срадуйтесь Мне, яко обретесе погибшая драхма. Вся мудре устроивый, Боже наш, слава Тебе.

## ОКОНЧАНИЕ ВЕЧЕРНИ

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем (*поклон*).

Слава (*поклон*), и ныне: (*поклон*). Господи помилуй. (*Трижды*). Господи, благослови. (*Поклон*)

Воскресый из мертвых, Господи, Иисусе Христе Сыне Божий, молитвами Пречистыя Твоея Матери, святых, славных и всехвальных апостол, преподобных и богоносных отец наших, святаго (*празднуемого в этот день*<sup>2</sup>) и всех святых помилуй и спаси нас, яко благ и Человеколюбец. Аминь<sup>3</sup>.

## Многолетие

Великаго Господина и Отца нашего (*имярек*), Святейшего Патриарха Московскаго и всея Руси [и господина нашего (высоко)преосвященнейшаго (*имярек*), митрополита *или* (архи)епископа (*титул*)], отцев наших духовных<sup>4</sup> и вся православныя христиане, Господи, сохрани их на многая лета.

Господи, помилуй. (*Трижды*.)

---

<sup>1</sup> ТРОПАРЬ – краткая песнь, в которой прославляются дела Божии или святых Его. Воскресный тропарь воспевае славу и величие воскресшего Христа.

<sup>2</sup> Имена святых, указанных на данный день в Православном церковном календаре.

<sup>3</sup> Миряне чтение служб оканчивают не священническим отпустом, содержащим в себе благословение, а молением о помиловании и спасении: «помилуй и спаси нас», по образцу окончания молитв по прочтении Псалтири.

<sup>4</sup> В храмах поют «настоятеля и прихожан святаго храма сего» или «братию святаго храма сего».

# МАЛОЕ ПОВЕЧЕРИЕ<sup>1</sup>

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Трижды с поклонами.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды).*

Слава, и ныне:

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго<sup>2</sup>.

Господи, помилуй. *(12 раз).*

Слава, и ныне:

Приидите, поклонимся Цареве нашему Богу. *(Поклон.)*

Приидите, поклонимся и припадем Христу, Цареве нашему Богу. *(Поклон.)*

Приидите, поклонимся и припадем Самому Христу, Цареве и Богу нашему. *(Поклон.)*

## Псалом 50<sup>3</sup>

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего;

---

<sup>1</sup> ПОВЕЧЕРИЕ – вечернее богослужение бывает великое и малое: великое совершается в Великий Пост и в некоторые великие праздники, малое положено в будни ежедневно. Повечерие совершается во благодарение Господа за то, что Он сподобил нас достигнуть вечера, и за все то, что случилось с нами в прошедший день – за нашу жизнь, пищу мысли и дела. Мы просим, чтобы Господь ниспослал нам ночь мирную и безгрешную. На повечерии творим благодарение за начало ночи, за успокоение от трудов дня и ради воспоминания смерти, которая должна постигнуть каждого – да не застанет нас неготовыми.

<sup>2</sup> По обычаю, после «Отче наш» миряне вместо священнического возгласа «Яко Твое есть Царство...» произносят Иисусову молитву: «Господи Иисусе Христе Сыне Божий, помилуй нас. Аминь.»

<sup>3</sup> 50-й ПСАЛОМ – покаянный, в нем «изображается исповедание грешника и испрашивается, чтобы Бог умилостивился над ним, простил его и чтобы Дух Святой не отступил от него».

возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

### Псалом 69

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящися глаголющии ми: благоже, благоже. Да возрадуются и возвеселятся о Тебе вси ищущии Тебе, Боже: и да глаголют выну, да возвеличится Господь, любящии спасение Твое. Аз же нищ есмь и убог, Боже, помози ми: Помощник мой и Избавитель мой еси Ты, Господи, не закосни.

### Псалом 142

Господи, услыши молитву мою, внуши моление мое во истине Твоей, услыши мя в правде Твоей: и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руце мои: душа моя, яко земля безводная, Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегох. Научи мя творити волю Твою, яко Ты еси Бог мой: Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающия души моей, яко аз раб Твой есмь.

### Вседневное славословие

Слава в вышних Богу, и на земли мир, в человецех благоволение. Хвалим Тя, благословим Тя (*поклон*), кланяем Ти ся, славословим Тя (*поклон*), благодарим Тя, великия ради славы Твоя (*поклон*). Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святый Душе: Господи Боже, Агнче Божий, Сыне Отець, вземляй грех мира, помилуй нас; вземляй грехи мира, приими молитву нашу: седяй одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца, аминь. На всяку ночь благословлю Тя и восхваляю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегох, научи мя творити волю Твою, яко Ты еси Бог мой: яко у Тебя источник живота, во свете Твоем узрим свет. Пробави милость Твою ведущим Тя. Сподоби, Господи, в ночь сию без греха сохранитися нам. Благословен еси, Господи Боже отец наших, и хвально и прославлено имя Твое во веки, аминь. Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святый, просвети мя оправданием Твоим. Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

## Символ веры

Верую во Единого Бога Отца Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребена. И воскресшаго в третий день по писанием. И возшедшаго на Небеса, и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящего, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

## КАНОН<sup>1</sup>

### Пресвятей Богородице, глас 6

#### Песнь 1

*Ирмос<sup>2</sup>*: Яко по суху пешешествовав Израиль по бездне стопами, гонителя фараона видя потопляема, Богу победную песнь поим вопияше.

**Припев: Пресвятая Богородице, спаси нас. (Поклон.)<sup>3</sup>**

Неоскудну благодать имущи яко Божественную, Мати Безневестная, к Тебе прибегающих не презри, от бед и скорбей присно спасающи.

**Пресвятая Богородице, спаси нас.**

Се время наста моего уныния, востани, Пречистая Владычице, и помощи даждь ми руку: Ты бо мир Божественного веселия исполнила еси.

Слава: Державный Твой покров, Богородительнице, яко Заступница сущи, даждь ми вскоре напастьми одержиму, и невредна от сих сохрани мя.

И ныне: Души моей смерть притекает, искушения же ненавидящих, яко аспиды, обыдоша погубити мя: но Сама мя, Богородице, спаси.

#### Песнь 3

*Ирмос*: Разширишася на враги моя уста моя, яко утвердися о Господе сердце мое.

**Пресвятая Богородице, спаси нас.**

Умерщвленную душу мою прегрешеньми, Живот яко рождшая, Богородице, оживи.

**Пресвятая Богородице, спаси нас.**

От всякаго искушения соблюди к Тебе прибегающих, Богородице, упование наше.

Слава: От востающих на мя напастей горько спаси мя, Мати Господа моего Пренепорочная.

---

<sup>1</sup> КАНОН (с греч. – правило) – соединение по определенному правилу и размеру многих священных песней в один стройный состав. Обыкновенно состоит из девяти песней.

<sup>2</sup> ИРМОС (с греч. – связь, соединение) – первый тропарь в ряду других тропарей, составляющих песнь канона. Ирмос есть образец, по которому составлены все прочие тропари той же песни.

<sup>3</sup> Поклон полагается только после I припева песен 1 и 9.

И ныне: Яже миру спасение подаючи Божественным Рождеством Твоим, от бед мя премени.

#### Песнь 4

*Ирмос:* Услыша пророк пришествие Твое, Господи, и убоясь, яко хочещи от Девы родитися и человеком явитися, и глаголаше: услышах слух Твой и убояхся, слава силе Твоей, Господи.

**Пресвятая Богородице, спаси нас.**

Изнеможе нищетою крепость души моя, Богородительнице, и лютое на мя омрачение нападе, от прегрешений имущее наход: призри, яко светоносный облак Божий, и просвети мя, молюся.

**Пресвятая Богородице, спаси нас.**

Бури зол моих и смущение прегрешений, преложи в тишину спасения, яко сущи пристанище, Всенепорочная: рыкающе ищут мя, яко львове, пожрети, пагубы тех избави мя, молюся.

Слава: В нощи и во дни, на земли же и в мори, и на всяком месте спасение твердо сущи, Богородице покрове непобедимый, спасай мя: по Бозе бо на Тя воистинну христиане уповаем.

И ныне: От великих и различных прегрешений же и напастей всегда спасаеши мя: темже яко рождшую Тя Господа молю, и к Тебе прибегаю, непобедимей помощи скорбящим: от бед изведи мольбами Твоими.

#### Песнь 5

*Ирмос:* Свет возсияй миру, Христе, просвети сердце мое, от нощи Тебе зовуща, и спаси мя.

**Пресвятая Богородице, спаси нас.**

Спасения Тя покров славим, Слова Мати, Всенепорочная, навет не боящися человеческих.

**Пресвятая Богородице, спаси нас.**

Имуще Тя стену небориму, искушений же и печали востания избавляемся, Пречистая.

Слава: Изми мя от злых человек языка, Чистая: якоже бо бритва изострися, погубите иский душу мою горько.

И ныне: Прилежно Ти припадаю, моляся: яко Мати Зиждителя моего, одержавших мя бед свободы.

#### Песнь 6

*Ирмос:* Китом пожрен греховным, вопию Тебе, Христе: яко пророка из истления мя свободы.

**Пресвятая Богородице, спаси нас.**

Горести вкус прием, Божественныя сладости отчуждихся, Пречистая. Темже вопию Ти: даруй ми помощь.

**Пресвятая Богородице, спаси нас.**

Омрачение страстей раба мя тли содела: темже, Свет рождшая, свободы мя, Владычице.

Слава: Согласно Тебе и верно исповедаюся, Пречистая, и пожру Ти жертву, Тобою избавлься скорби.

И ныне: Отверзося на мя неправды уста, Владычице: темже мя, яко Заступница, сих вскоре свободы.

Господи помилуй. (*Трижды.*)  
Слава, и ныне:

### Кондак<sup>1</sup>, глас 6:

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву и потщися на умоление, предстательствующи присно, Богородице, чтущих Тя.

### Песнь 7

*Ирмос:* Росодательну убо пещь содела ангел преподобным отроком, халдеи же опаляющее веление Божие мучителя увеща вопити: благословен еси, Боже отец наших.

**Пресвятая Богородице, спаси нас.**

Искушения души моя, юже тучнии юнцы ныне обыдоша, Пресвятая Дево, Сама мя сих свободи.

**Пресвятая Богородице, спаси нас.**

Защищающи тощно в беде сущих и в печали, радость, Богородице, подаеши всегда.

Слава: Побездена мя всего отчаянием дел и печали, огради мя, Дево, яко покров всем нерушимый.

И ныне: Предстательством Твоим избавляемся бед и скорбей и обретаем богатство велие неистоцаемо.

### Песнь 8

*Ирмос:* Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети, Тя превозносим во вся веки.

**Пресвятая Богородице, спаси нас.**

От человеческих снедаюся озлоблений и молюся, Богородице, избави мя суетнаго совета их.

**Пресвятая Богородице, спаси нас.**

Победихся в печалех искушении моими и молюся, Владычице, от сих мя спаси невредима.

Слава: Спаси мя, Чистая, от человека льстива, и языка, и уст, и мучительства, и всякия нужды.

И ныне: Иже нравом прельщаем есмь, без ответа сый, к Богородице зову: всяческих мя избави зол.

### Песнь 9

*Ирмос:* Еже, радуйся, от Ангела приимшая, и рождшая Создателя Своего, Дево, спаси Тя величающия.

**Пресвятая Богородице, спаси нас. (Поклон.)**

Милостива ми в печалех жития, Богородице, буди, и спаси от бед, ныне прибегающаго к Тебе.

**Пресвятая Богородице, спаси нас.**

Воистинну едина на земли и в мори явилася еси, Чистая, кров неразоримь, прибегающим Ти несумненною душею.

---

<sup>1</sup> КОНДАК – краткая священная песнь в похвалу Господа, Богородицы или святых.



Слава: Без ума себе всяческими поработившу лютыми паденьми, мольбами Твоими свободу подаждь ми, Всепетая.

И ныне: Тя надежду и заступление твердо стяжав, Чистая, величая Тя, яко Богородицу, песнь верою скончаваю.

Достойно есть яко воистинну блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Святой Боже, Святой Крепкий, Святой Безсмертный, помилуй нас. *(Трижды с поклонами.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава, и ныне:

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

### Кондак воскресный, глас 6

Живоначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Вокресение и Живот, и Бог всех.

Господи, помилуй. *(40 раз.)*

### Молитва свт. Василия Великого

Иже на всякое время, и на всякий час, на Небеси и на земли покланяемый и славимый, Христе Боже, долготерпеливе, многомилостиве, многоблагуотробне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, приими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоя славы, яко благословен еси во веки веков, аминь.

Господи, помилуй. *(Трижды.)*

Слава, и ныне:

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. *(Поклон.)*

Именем Господним благослови, отче.<sup>1</sup>

Молитвами святых отец наших, Господи Иисусе Христе Боже наш, помилуй нас. Аминь.

---

<sup>1</sup> Это возгласение на келейной молитве есть мысленное обращение к отцу своему духовному, по благословению которого совершается всякая домашняя молитва. Это сохраняет молящегося от всякого самочиния.

Молитва ко Пресвятей Богородице,  
Павла, монаха обители Евергетиды,  
сиречь Благодетельницы

Нескверная, неблазная, нетленная, Пречистая, Чистая Дево, Богоневесто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных едина надежда и боримых помощи, готовое заступление к Тебе притекающих, и всех христиан прибежище. Не гнушайся мене грешнаго, сквернаго, скверными помыслы, и словесы, и деяньми всего себе непотребна сотворша, и разумом лености сластей жития раба бывша; но яко человеколюбиваго Бога Мати, человеколюбне умилосердися о мне, грешнем и блуднем, и приими мое, еже от скверных устен приносимое Тебе моление, и Твоего Сына и нашего Владыку и Господа, Матернее Твое дерзновение употребляючи, моли, да отверзет и мне человеколюбныя утробы Свояя благности, и презрев моя безчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко Милостивая, и Милосердная, и Благолюбивая, в настоящем убо житии теплая предстательнице и помощнице, сопротивных нашествия отгоняючи, и ко спасению наставляючи мя; и во время исхода моего окаянную мою душу соблюдаючи, и темныя зраки лукавых бесов далече от нея отгоняючи; в страшный же день суда вечныя мя избавляючи муки, и неизреченныя славы Твоего Сына и Бога нашего наследника мя показуючи. Юже и да улучу, Владычице моя, Пресвятая Богородице, Твоим ходатайством и заступлением благодатию и человеколюбием Единороднаго Сына Твоего, Господа и Бога и Спаса нашего Иисуса Христа; Емуже подобает всякая слава, честь и поклонение, со Безначальным Его Отцем, и Пресвятым, и Благим, и Животворящим Его Духом, ныне и присно, и во веки веков. Аминь.

Молитва ко Господу нашему Иисусу Христу,  
Антиоха, монаха Пандекта

И даждь нам, Владыко, на сон грядущим покой тела и души, и сохрани нас от мрачнаго сна греховнаго, и от всякаго темнаго и ноцнаго сладострастия; укроти стремления страстей, угаси разжженныя стрелы лукаваго, яже на ны льстивно движимыя; плоти нашея востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе твердо имуща; всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков, Аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Упование мое Отец, прибежище мое Сын, покров мой Дух Святыи: Троице Святая, слава Тебе.

## ОКОНЧАНИЕ ПОВЕЧЕРИЯ

Слава, и ныне: Господи, помилуй. *(Трижды.)* Господи, благослови.

Воскресый из мертвых, Господи, Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и спаси нас, яко Благ и Человеколюбец. Аминь.

## Прощение<sup>1</sup>

Ослаби, остави, прости, Боже, прегрешения наша, вольная и невольная, яже в слове, яже в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

### Молитва конечная

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прощения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молиться о них помилуй по велицей Твоей милости. Помяни, Господи, прежде усопших отец и братий наших и упокой я, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прощения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков. Аминь.

Господи, помилуй. *(Трижды.)*

---

<sup>1</sup> Повечерие и полунощница в храме заканчиваются взаимным испрашиванием прощения священника и молящихся, а на «едине в келии» вместо этого читается молитва «Ослаби, остави», поэтому она обычно носит название «Прощение» или «Вместо прощения».

# ПОЛУНОЩНИЦА ВОСКРЕСНАЯ<sup>1</sup>

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Трижды с поклонами.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава, и ныне:

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. *(12 раз.)*

Слава, и ныне:

Приидите, поклонимся Цареве нашему Богу. *(Поклон.)*

Приидите, поклонимся и припадем Христу, Цареве нашему Богу. *(Поклон.)*

Приидите, поклонимся и припадем Самому Христу, Цареве и Богу нашему. *(Поклон.)*

## Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

<sup>1</sup> ПОЛУНОЩНИЦА ВОСКРЕСНАЯ – совершенно особая церковная служба – она полностью посвящена Пресвятой Троице. Святитель Афанасий (Сахаров) объясняет это тем, что воскресное утро мы должны предварять «прославлением Святой Троицы, тайна Которой нам была открыта Воскресением Христовым. Святая Церковь, устанавливая празднования седмичного круга, считала необходимым установить ежеседмичное празднование Святой Троице, но, посвятив первый день седмицы воспоминанию Воскресения Христова, именно в этот день совершившегося, она не почла удобным нарочитое прославление Святой Троицы в один из будничных дней, но внесла его в праздничное богослужение воскресного дня».

**КАНОН**  
**Пресвятей и Животворящей Троице,**  
**глас 6**  
**Творение Митрофаново.**

**Песнь 1.**

*Ирмос:* Яко по суху пешешествовав Израиль, по бездне стопами, гонителя фараона видя потопляема, Богу победную песнь поим, вопияше.

**Припев: Пресвятая Троице, Боже наш, слава Тебе. (Поклон.)**

Три Ипостаси поем Богоначальныя, Единственного естества неизменный зрак, Благаго Человеколюбца Бога, прегрешений очищение нам дарующа.

**Пресвятая Троице, Боже наш, слава Тебе.**

Пресущный едине, и трисиянный начертаньми Господи, в Божестве едином Сый, вразуми нас, и сподоби Твоего Божественного сияния.

Слава: Невестоукрашив Павел, юже от язык Церковь, Единому Тебе Триипостасному Богу поклоняться научи, от Негоже, и Имже, и в Немже вся быша.

И ныне: Из чрева Твоего пройде умное, Богородице, Солнце, и осия нас Трисветлаго Божества зарями: Егоже поюще, благочестно Тя ублажаем.

**Песнь 3.**

*Ирмос:* Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

**Пресвятая Троице, Боже наш, слава Тебе.**

Украшив, Трисветлый Боже, чины небесныя, устроил еси пети Тя трисвятыми гласы: с нимиже приими и нас, воспевающих Твою благодать.

**Пресвятая Троице, Боже наш, слава Тебе.**

Едино непреложное Троичное, сообразное единственное Богоначалие поюще, молим Тя тепле, грехов многих низпослати ныне нам прощение.

Слава: Уме Безначальный Отче, сообразный Божий Слове, и Душе Божественный, Благий и Правый, воспевающая верно Твою державу соблюди, яко Благоутробен.

И ныне: Пажить потреби тли, человек по существу быв Бог мой, во утробе Твоей, Чистая: и родоначальники преждняго осуждения Един свободи.

Господи, помилуй. (*Трижды.*)

**Седален<sup>1</sup>, глас 6.**

Владыко Боже, призри с Небесе и виждь наше смирение яко Щедр, и умилосердися, Человеколюбче Преблагий: ни откуда бо надеемся прощение получитьи злых, имиже согрешихом. Темже буди с нами, и никтоже на ны.

---

<sup>1</sup> СЕДАЛЕН – славословия, во время которых позволено сидеть, хотя в основном православные христиане не сидят во время славословия, по слову Тертуллиана: «Непристойно вообще сидеть в присутствии и пред лицом того, кого ты боишься и почитаешь, а тем более нечестиво сидеть пред лицом Бога живаго, Которому предстоят и Ангелы со страхом и трепетом».

Слава, и ныне: Владычице Чистая, призри, Богородице, виждь наших язв болезни, и умилосердися, Пречистая, и исцели совестное жжение, Твоею милостию орошаючи, и вопиючи рабом Твоим: Аз есмь с вами и никтоже на вы.

#### Песнь 4.

*Ирмос:* Христос моя сила, Бог и Господь, честная Церковь боголепно поет взывающи, от смысла чиста о Господе празднующи.

**Пресвятая Троице, Боже наш, слава Тебе.**

Возвышай мысль, Единице Трисветлая, и душу и сердце Твоих певец скоро возведи, и сияния Твоего и светлости сподоби.

**Пресвятая Троице, Боже наш, слава Тебе.**

Претвори и преобрази от злобы мя всякия к добродетели, Едина неизображенная и неизменная Троице, и Твоими зарями просвети.

Слава: Помыслив прежде, мудре составил еси Ангелов чины, служительныя Твоя благодати, Триипостасная Единице: с нимиже приими мою хвалу.

И ныне: Иже естеством несозданный Бог Присносущный, созданное восприем человеческое естество, вообрази во Святей Твоей утробе, Богородице Приснодево.

#### Песнь 5.

*Ирмос:* Божиим светом Твоим Блаже, утренюющих Ти души любовию озари, молюся, Тя ведети Слове Божий, Истиннаго Бога, от мрака греховнаго взывающа.

**Пресвятая Троице, Боже наш, слава Тебе.**

Помышляюще естество Богоначальное, промыслительное и спасительное всех сущее Владыко, Трисветлое же едино, к Тебе утренюем, прощения просяще грехопадений.

**Пресвятая Троице, Боже наш, слава Тебе.**

Отче Безначальный Боже, и Соприсносущный Сыне, и Душе Святой, утверди Единоначальная Троице, Твоя певцы, и от всякия напасти избави и скорби.

Слава: Управляяй сияньми Богодетельными, и к благоугождению Твоего Триипостаснаго Божества, Солнце Славы, наставляя мя присно, и Божественнаго Царствия сотвори причастника.

И ныне: Иже вся носяй и соблюдаяй всесильною Твоею рукою, Слове Божий неизменне, сохрани и соблюди Тя славящия, молитвами Рождшия Тя Богоматере.

#### Песнь 6.

*Ирмос:* Житейское море воздвигаемое зря напастей бурю, к тихому пристанищу Твоему притек вопию Ти: возведи от тли живот мой, Многомилостиве.

**Пресвятая Троице, Боже наш, слава Тебе.**

Премудрость и разум, Богоначалие Трисветлое, певцем Твоим даруй, и доброты лучами светодетельныя Твоя благодати осияватися всех сподоби. *(Дважды.)*

Слава: Свете Нераздельный по существу, Трисианне, Вседержительне, Неприступне, сердца озари верно хвалящих державу Твою, и к Божественней любви впери.

И ныне: В Тя вселися, Приснодево, яве Вседержитель и Господь всех, и Единому Трисианному зраку Божества человеки поклоняются научи.

Господи, помилуй. *(Трижды.)*

## Седален, глас 6.

Отче, и Сыне со Духом Святым призри на ны, верою Тебе поклоняющихся, и славящих державу Твою Благоутробне, со огненными бреними, иного бо разве Тебе не вемы, и возопий поющим Тя: Аз есмь с вами и никтоже на вы.

Слава, и ныне: Призри на ны, Всепетая Богородице, возсияй просвещение сердцам омраченным, и озари стадо Твое, Пречистая. Елико бо хочещи, и можещи яко Мати сущи Зиждителя Твоего, и возопий молящим Тя: Аз есмь с вами и никтоже на вы.

## Песнь 7.

*Ирмос:* Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси Боже отец наших.

**Пресвятая Троице, Боже наш, слава Тебе.**

Крепкую мне мысль устрой, Трисветлая начертаньми Единице, еже хранити и соблюдати Божественныя заповеди Твоя, и всегда пети Тебе верно: благословен еси, Боже отец наших.

**Пресвятая Троице, Боже наш, слава Тебе.**

Яко тождеством естества поемый, неизреченно Единственный Боже, Лицы же Троицы нося число, соблюди всех нас от различных искушений и обстояний.

Слава: Соестественна и Соприсносушна славим, Единого Тя по существу Бога, свойства неслиянне Ипостасными Троице, различное просто предлагающе, в зраце непрременнем яве.

И ныне: Бог Пресущный прият, Пречистая, от чрева Твоего чистаго наше человеколюбезне смешение яве, и всех научи вопити: благословен еси Боже отец наших.

## Песнь 8.

*Ирмос:* Из пламени преподобным росу источил еси, и праведнаго жертву водою попалил еси: вся бо твориши Христе, токмо еже хотети, Тя превозносим во вся веки.

**Пресвятая Троице, Боже наш, слава Тебе.**

Очищение прегрешений скоро подаждь ми, и страстей многообразных избавление, сообразная Троице, Единице Триипостасная: да Тя славлю во вся веки.

**Пресвятая Троице, Боже наш, слава Тебе.**

Волитель милости известован, яко Бог милостив, всех помилуй Трисветлая Единице и Троице Преплагая, славословящих Твое величество.

Слава: От Света Присносушнаго Отца, Света Соприсносушна рождшагося Слова, со Духом исходным Светом, верою славим, и превозносим во вся веки.

И ныне: Врача человеком, Пречистая, родила еси Всесильнаго Слова, Христа Господа, прародительныя язвы всех исцеляюща, превозносящих Его во веки.

## Песнь 9.

*Ирмос:* Бога человеком не возможно видети, на Негоже не смеют чини Ангельстии взирати; Тобою же Всечистая, явися человеком Слово Воплощенно, Егоже величающе, с Небесными вои Тя ублажаем.

**Пресвятая Троице, Боже наш, слава Тебе.**

Зрети чинове херувимстии, Владыко, доброты Твоя славы не могуще, крылы покрывающесе, непрестанно Троичную песнь вопиют, Триипостасную Твоего

Богоначалия Единственного державу славяще.

**Пресвятая Троице, Боже наш, слава Тебе.**

Твоя сияния, Солнце незаходимое, Твоих рабов подаждь сердцам, и просвети души, и избави от многих прегрешений, Едине Всемилостиве и Триипостасне, и нетленные Твоя жизни нас сподоби.

Слава: Еже Свет Единочестный, и Трисолнечный, и Светодетельный, Божество сущее, озари верою Тя поющих, и от мрачнаго избави злодейства, и сподоби светлейших Твоих селений, яко Преплагий.

И ныне: Премудре человека прежде созда Сын Твой, Дево, и истлевшаго обнови Тобою, Всепетая: и Божественнаго Света зари невечерняя всех исполни, Тя Богородицу истинну верою славящих.

### Тропари Троичны

Достойно есть яко воистинну, славити Тя Бога Слова, Егоже трепещут и трясутся Херувими, и славословят Силы Небесныя, Воскресшаго тридневно из гроба, Христа Жизнодавца страхом прославим.

Воспоим вси боголепно песньми Божественными, Отца, и Сына, и Духа Божественнаго, Триипостасную Державу, Едино Царство и Господьство.

Юже поют вси земнороднии, и славословят Силы Небесныя, от всех верно поклоняемую, Единицу по Существо Триипостасную.

Господоначальную Херувим и Богоначальную без сравнения Серафим, Нераздельную Троицу во Единице, сущее Богоначалие, Тя величаем.

Отцу Безначальному и Богу, Собезначальному Слову, со Духом поклоняюся (*поклон*): неразлучное едино соединяемое Существо, Тричисленную Единицу песньми почтим.

Лучезарная Твоя молния возсияй ми, Боже мой, Триипостасне, Вседетелю, и дом мя покажи Твоя неприступная славы, светел и светоносен и неизменен.

Егоже трепещут и трясутся Херувими, и славословят Ангельская воинства, от Девы неизреченно воплощагося Христа Жизнодавца, страхом прославим.

Трисвятное. Пресвятая Троице: Отче наш.

### Кондак воскресный, глас 6

Живоначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Воскресение и Живот, и Бог всех.

Господи помилуй (40).

Слава, и ныне:

Честнейшую Херувим и славнейшую без сравнения Серафим, без истления Бога Слово рождшую, сущую Богородицу Тя величаем. (*Поклон.*)

Именем Господним благослови, отче.

Молитвами святых отец наших, Господи Иисусе Христе, Сыне Божий, помилуй нас. Аминь.

### Молитва ко Святей Троице

Всемогущая и Животворящая Святая Троице и Светоначальная, яже мирную всякую и премирную тварь, за едину благодать от не сущих приведи, и промысляя и содержащи; иже по прочих Твоих неизреченных о земном роде благодеяниях, и покаяние нам ради плотскаго неможения до смерти даровавый; не остави нас окаянных в лукавых наших деяниях умрети, ниже злоначальнику и завистцу, и губителю посмешство быти. Зриши бо, Благосерде, елик убо онаго на нас навет и



вражда, елико же и наше страствование, и слабость, и небрежение. Но неоскудная Твоя благодать соделай на нас, молим на всякий день и час прогневающей Тя честных и животворных заповедей преступлением; и вся убо всего прешедшаго живота нашего, и до нынешняго часа согрешенная нами в деяниях или глаголаниях, или в помышлениях, остави и прости; сподоби же нас, прочее скончати житие в покаянии, и умилении, и соблюдении святых Твоих повелений. Аще убо сладостию прельстившися, многообразне согрешихом, или мерзкими похотьми бесполезными и вредными обольстившися препроводихом; аще гневом и яростию подвигшися безсловесною, кого брата нашего оскорбихом, аще языком неизбежных и стропотных, и крепких сетей объяхомся; аще коим чувств наших, или всеми, волею или неволею, введуще или не введуще, от восхищения, или поучения, безумно поплздохомся; аще же лукавыми помысли и суетными совесть осквернихом; аще ли коим другим образом прегрешихом, от предприятия и обычая томими злаго; прости нам, и остави вся, Всещедре, Преблаже и Многомилостиве, и даруй нам прочее бодрость и силу, во еже творити волю Твою благу, и благоугодну, и совершену; да noctного и мрачного зла, световидным покаянием пременшися, и яко во дни благообразно ходяще, и очищени объявимся человеколюбию Твоему недостойнии, воспевающе Тя и величающе во веки. Аминь.

## ОКОНЧАНИЕ ПОЛУНОЩНИЦЫ

Слава, и ныне: Господи помилуй. *(Трижды.)* Господи благослови.

Воскресый из мертвых, Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и спаси нас, яко Благ и Человеколюбец. Аминь.

### Молитва конечная

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молиться о них помилуй по велицей Твоей милости. Помяни, Господи, прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков. Аминь.

Господи, помилуй. *(Трижды.)*

# УТРЕНЯ<sup>1</sup>

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша<sup>2</sup>.

Святой Боже, Святой Крепкий, Святой Безсмертный, помилуй нас. *(Трижды с поклонами.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава, и ныне:

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. *(12 раз.)*

Слава, и ныне:

Приидите, поклонимся Цареву нашему Богу. *(Поклон.)*

Приидите, поклонимся и припадем Христу, Цареву нашему Богу. *(Поклон.)*

Приидите, поклонимся и припадем Самому Христу, Цареву и Богу нашему. *(Поклон.)*

## Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго, и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу Твоему и весь совет твой исполнит. Возрадуемся о спасении твоем и во имя Господа Бога нашего возвеличимся; исполнит Господь вся прошения твоя. Ныне познах, яко спасе Господь христа Своего; услышит его с Небесе святаго Своего; в силах спасение десницы Его. Сии на колесницах, и сии на конех; мы же во имя Господа Бога нашего призовем. Тии спяти быша и падоша; мы же востахом и исправихомся. Господи, спаси царя и услыши ны, воньже аще день призовем Тя.

## Псалом 20

Господи, силою Твоею возвеселится царь и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дний во век века. Велия слава его спасением Твоим; славу и велелепие возложиши на него. Яко даси ему благословение во век века; возвеселиши его радостию с лицом Твоим. Яко царь уповаеет на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся

---

<sup>1</sup> УТРЕНЯ – церковное богослужение, совершаемое утром. Утренняя совершается ради настоящего дня, за который человеку следует благодарить Приводящего свет и Разрушившего тьму. Утренняя обычно соединяется с полунощницей и первым часом. В молитвах и песнопениях утрени мы исповедуем свою греховность, испрашиваем милостей Божиих, вспоминаем пришествие Спасителя в мир и Его славное Воскресение, славословим Господа и святых угодников Его.

<sup>2</sup> Если читалась полунощница, то «Царю Небесный...» не читаем.

ненавидящая Тебе. Яко положиши их яко пещь огненную во время лица Твоего: Господь гневом Своим смятет я, и снет их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею; воспоем и поем силы Твоя.

Слава и ныне: Трисвятое. Пресвятая Троице: Отче наш:

### Тропари, глас 1

Спаси, Господи, люди Твоя, и благослови достояние Твое, победы на сопротивных даруя, и Твое сохраняя Крестом Твоим жительство.

Слава: Вознесыйся на Крест волею, тезоименитому Твоему новому жительству щедроты Твоя даруй, Христе Боже, возвесели нас силою Твоею, победы дая нам на сопостаты, пособие имущим Твое, оружие мира, непобедимую победу.

И ныне: Предстательство страшное и непосыдное, не презри, Благая, молитв наших. Всепетая Богородице, утверди православных жительство: спаси верная люди Твоя, и подаждь им с Небесе победу, зане родила еси, Благая, Едина Благословенная.

Господи, помилуй (12 раз.)

Слава, и ныне:

### ШЕСТОПСАЛМИЕ<sup>1</sup>

Слава в вышних Богу, и на земли мир, в человецех благоволение. (Трижды.)

Господи, устне мои отверзеши, и уста моя возвестят хвалу Твою. (Дважды.)

### Псалом 3

Господи, что ся умножиша стужающии ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святая Своя. Аз уснух и спях; востях, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты поразил еси вся враждующия ми всуе, зубы грешников сокрушил еси. Господне есть спасение, и на людех Твоих благословение Твое.

Аз уснух и спях; востях, яко Господь заступит мя.

### Псалом 37

Господи, да не яростию Твоею обличиши мене, ниже гневом Твоим накажеши мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое и въздыхание мое от Тебе не утаися. Сердце мое смятется, остави мя сила моя, и

---

<sup>1</sup> ШЕСТОПСАЛМИЕ – это плач кающегося грешника пред Христом Спасителем, пришедшим на землю. В храме гасится свет и даже свечи, чтобы молящегося ничто не отвлекало от слушания псалмов. Это также напоминание о состоянии души во грехе. В то время темнота в храме и мерцание лампад символизирует ночь Рождества Христова, которая оглашена была радостным славословием: «Слава в вышних Богу...» В первых трех псалмах шестопсалмия передается скорбь души, удалившейся от Бога и ищущей Его. Во второй половине – моления души раскаявшейся и примирившейся с Богом. Есть церковное предание, что Страшный Суд будет столько времени, сколько читается шестопсалмие.

свет очию моею, и той несть со мною. Друзи мои и искреннии мои прямо мне приближишася и сташа. И ближнии мои отдалече мене сташа, и нуждахуся ищущии душу мою; и ищущии злая мне глаголаху суетная, и льстивным весь день поучахуся. Аз же яко глух не слышах, и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои, и внегода подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о гресе моем. Врази же мои живут и укрепишася паче мене, и умножишася ненавидящии мя без правды. Воздающий ми злая возблагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

## Псалом 62

Боже, Боже мой, к Тебе утренюю; возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похваляте Тя. Тако благословлю Тя в животе моем, о имени Твоем воздежу руке мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя; яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же всеу искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградишася уста глаголющих неправедная.

На утренних поучахся в Тя; яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне:

Аллилуия, аллилуия, аллилуия, слава Тебе, Боже. *(Трижды, без поклонов.)*

Господи, помилуй. *(Трижды.)*

Слава, и ныне:

## Псалом 87

Господи Боже спасения моего, во дни воззвах, и в нощи пред Тобою. Да внидет пред Тя молитва моя, приклони ухо Твое к молению моему. Яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, воззвах к Тебе, Господи, весь день, воздох к Тебе руке мои. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, воззвах и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудех от юности моя; вознес же ся, смирихся, и изнемогах. На мне преидоша гневи Твои, устрашения Твоя возмутиша мя, обыдоша мя яко вода, весь день одержаша мя вкупе. Удалил еси от мене друга и искреняго, и знаемых моих от страстей.

Господи Боже спасения моего, во дни возвах и в ночи пред Тобою. Да внидет пред Тя молитва моя, приклони ухо Твое к молению моему.

## Псалом 102

Благослови, душе моя, Господа, и вся внутренняя моя имя святое Его; благослови, душе моя, Господа, и не забывай всех воздаяний Его, очищающего вся беззакония твоя, изцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Творяй милостыни Господь и судьбу всем обидимым. Слова пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует: не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его: елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко той позна создание наше, помяну, яко персть есмь. Человек, яко трава дние его, яко цвет сельный, тако оцветет; яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

## Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятесе сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мои: душа моя, яко земля безводная, Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой; Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою; и милостию Твоею потребиши враги моя и погубиши вся стужающия души моей, яко аз раб Твой есмь.

Услыши мя в правде Твоей, и не вниди в суд с рабом Твоим. Услыши мя в правде Твоей, и не вниди в суд с рабом Твоим. Дух Твой Благий наставит мя на землю праву.

Слава, и ныне: Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(12 раз.)*

Слава, и ныне:

## Бог Господь<sup>1</sup>

Глас 6: Бог Господь, и явися нам, благословен Грядый во имя Господне.

*Стих 1:* Исповедайтеся Господеви, яко Благ, яко в век милость Его.

Бог Господь, и явися нам, благословен Грядый во имя Господне.

*Стих 2:* Обышедше обыдоша мя и именем Господним противляхся им.

Бог Господь, и явися нам, благословен Грядый во имя Господне.

*Стих 3:* Не умру, но жив буду и повем дела Господня.

Бог Господь, и явися нам, благословен Грядый во имя Господне.

*Стих 4:* Камень, Егоже небрегоша зиждущи, Сей бысть во главу угла: от Господа бысть Сей, и есть дивен во очесех наших.

Бог Господь, и явися нам, благословен Грядый во имя Господне.

### Тропарь воскресный, глас 6.

Ангельския силы на гробе Твоем и стрегущии омертвеша, и стояше Мария во гробе, ищущи Пречистаго Тела Твоего. Пленил еси ад, не искусився от него; сретил еси Деву, даруяй живот. Воскресый из мертвых, Господи, слава Тебе. *(Дважды.)*

Слава, и ныне: Благословенную нарекий Твою Матерь, пришел еси на страсть вольным хотением, возсияв на Кресте, взыскати хотя Адама, глаголя Ангелом: срадуйтесь Мне, яко обретесь погибшая драхма. Вся мудре устроивый, Боже наш, слава Тебе.

Господи, помилуй. *(Трижды.)*

Слава, и ныне:

## КАФИЗМА ВТОРАЯ<sup>2</sup>

### Псалом 9

Исповемся Тебе, Господи, всем сердцем моим, повем вся чудеса Твоя. Возвеселюся и возрадуюся о Тебе, пою имени Твоему, Вышний. Внегда возвратится врагу моему вспять, изнемогут и погибнут от лица Твоего. Яко сотворил еси суд мой и прю мою, сел еси на Престоле, судяй правду. Запретил еси языком, и погиге нечестивый, имя его потребил еси в век и в век века. Врагу оскудеша оружия в конец, и грады разрушил еси, погиге память его с шумом. И Господь во век пребывает, уготова на суд Престол Свой, и Той судити имать вселенней в правду, судити имать людем в правоте. И бысть Господь прибежище убогому, помощник во благовремениих, в скорбех. И да уповают на Тя знающии имя Твое, яко не оставил еси взыскающих Тя, Господи. Пойте Господеви, живущему в Сионе, возвестите во языцех начинания Его: яко взыскай крови их помяну, не забы звания убогих. Помилуй мя, Господи, виждь смирение мое от враг моих, возносяй мя от врат смертных; яко да возвещу вся хвалы Твоя во вратех дочери Сиони, возрадуемся о спасении Твоем. Углебоша языцы в пагубе, юже сотвориша, в сети сей, юже скрыша, увязе нога их. Знаемь есть Господь судьбы творяй, в делех руку свою увязе грешник. Да возвратятся грешницы во ад, вси языцы забывающии Бога. Яко не до конца забвен будет нищий, терпение убогих не погибнет до конца. Воскресни, Господи, да не крепится человек, да судятся языцы пред Тобою. Постави, Господи, законоположителя над ними, да разумеют языцы, яко человецы суть. Вскую, Господи, отстоя далече, презираеши во благовремениих, в скорбех? Внегда гордится нечестивому, возгарается нищий, увязают в советех, яже помышляют. Яко хвалимь есть грешный в похотех души

<sup>1</sup> Пение «БОГ ГОСПОДЬ...» напоминает о спасении, совершенном явившемся в мир Спасителя, и прославляет два пришествия Христова: первое – во плоти и второе – во славе, когда Господь придет судить живых и мертвых.

<sup>2</sup> Чтение кафизм призвано напоминать нам о тяжелых скорбях Господа нашего Иисуса Христа.

своя, и обидяй благословимъ есть. Раздражи Господа грешный, по множеству гнева своего не взыщет, несть Бога пред ним. Оскверняются путие его на всяко время, отъемлются судьбы Твоя от лица его: всеми враги своими обладает. Рече бо в сердце своем, не подвижуся от рода в род без зла, егоже клятвы уста его полна суть, и горести и лъсти, под языком его труд и болезнь. Приседит в ловителстве с богатыми в тайных, еже убить неповиннаго, очи его на нищаго призираете. Ловит в тайне яко лев во ограде своей, ловит еже восхитити нищаго, восхитити нищаго, внегда привлещи и в сети своей. Смирит его, преклонится и падет, внегда ему обладати убогими. Рече бо в сердце своем: забы Бог, отврати лице Свое, да не видит до конца. Воскресни, Господи Боже мой, да вознесется рука Твоя, не забуди убогих Твоих до конца. Чесо ради прогнева нечестивый Бога? Рече бо в сердце своем: не взыщет. Видиши, яко Ты болезнь и ярость сматряеши, да предан будет в руце Твои, Тебе оставлен есть нищий, сиру Ты буди помощник. Сокруши мышцу грешному и лукавому, взыщется грех его и не обрящется. Господь Царь во век и в век века, погибнете, языцы, от земли Его. Желание убогих услышал еси, Господи, уготованию сердца их внят ухо Твое. Суди сиру и смирену, да не приложит ктому величатися человек на земли.

### Псалом 10

На Господа уповах, како речете души моей: превитай по горам, яко птица? Яко се, грешницы налякоша лук, уготоваша стрелы в туле, состреляти во мраце правыя сердцем. Зане яже Ты совершил еси, они разрушиша, праведник же что сотвори? Господь во храме святем Своем. Господь, на Небеси Престол Его, очи Его на нищаго призираете, вежди Его испытаете сыны человеческия. Господь испытает праведнаго и нечестиваго, любяй же неправду ненавидит свою душу. Одождит на грешники сети, огонь и жупел, и дух бурен часть чаши их. Яко праведен Господь и правды возлюби, правоты виде лице Его.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

### Псалом 11

Спаси мя, Господи, яко оскуде преподобный, яко умалишася истины от сынов человеческих. Суетная глагола кийждо ко искреннему своему, устне лъстивыя в сердце, и в сердце глаголаша злая. Потребит Господь вся устны лъстивыя, язык велеречивый, рекшыя: язык наш возвеличим, устны наша при нас суть, кто нам Господь есть? Страсти ради нищих и воздыхания убогих ныне воскресну, глаголет Господь, положуся во спасение, не обвинюся о нем. Слова Господня слова чиста, серебро разжжено, искушено земли, очищено седмерицею. Ты, Господи, сохраниши ны и соблюдеши ны от рода сего и во век. Окрест нечестивии ходят, по высоте Твоей умножил еси сыны человеческия.

### Псалом 12

Доколе, Господи, забудеши мя до конца? Доколе отвращаеши лице Твое от мене? Доколе положу советы в души моей, болезни в сердце моем день и ночь? Доколе вознесется враг мой на мя? Призри, услыши мя, Господи Боже мой, просвети очи мои, да не когда усну в смерть, да не когда речет враг мой: укрепихся на него. Стужающий ми возрадуются, аще подвижуся. Аз же на милость твою уповах, возрадуется сердце мое о спасении Твоем, воспою Господеви благодеявшему мне и пою имени Господа Вышняго.

## Псалом 13

Рече безумен в сердце своем: несть Бог. Раствлеша и омерзшася в начинаниих, несть творяй благостыню. Господь с Небесе приниче на сыны человеческия, видети, аще есть разумевай или взыскай Бога. Все уклонишася, вкупе неключими быша: несть творяй благостыню, несть до единого. Ни ли уразумеют все делающии беззаконие, снесающии люди моя в снесь хлеба? Господа не призваша. Тамо убояшася страха, идеже не бе страх, яко Господь в роде праведных. Совет нищего посрамисте, Господь же упование его есть. Кто даст от Сиона спасение Израилево? Внегда возвратит Господь пленение людей Своих, возрадуется Иаков, и возвеселится Израиль.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

## Псалом 14

Господи, кто обитает в жилищи Твоем? Или кто вселится во святую гору Твою? Ходяй непорочен и делаяй правду, глаголяй истину в сердце своем. Иже не ульсти языком своим и не сотвори искреннему своему зла, и поношения не прият на ближния своя. Уничужен есть пред ним лукавнуяй, боящия же ся Господа славит, кленыйся искреннему своему и не отменяся. Сребра своего не даде в лихву и мзды на неповинных не прият. Творяй сия не подвижится во век.

## Псалом 15

Сохрани мя, Господи, яко на Тя уповах. Рех Господеви: Господь мой еси Ты, яко благих моих не требуши. Святым, иже суть на земли Его, удиви Господь все хотения Своя в них. Умножишася немощи их, по сих ускориша: не соберу соборы их от кровей, ни помяну же имен их устнама моима. Господь часть достояния моего и чаши моя, Ты еси устрояяй достояние мое мне. Ужа нападоша ми в державных моих, ибо достояние мое державно есть мне. Благословлю Господа, вразумившаго мя, еще же и до нощи наказаша мя утробы моя. Предзрех Господа предо мною выну, яко одесную мене есть, да не подвижуся. Сего ради возвеселися сердце мое, и возрадовася язык мой, еще же и плоть моя вселится на уповании. Яко не оставиши душу мою во аде, ниже даси преподобному Твоему видети истления. Сказал ми еси пути живота, исполниши мя веселия с лицом Твоим, красота в деснице Твоей в конец.

## Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретеша во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаяй уповающия на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя; от лица нечестивых острастших мя, врази мои душу мою одержаша, тук свой затвориша, уста их глаголаша гордыню. Изгонящии мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея, Господи, от



малых от земли, раздели я в животе их, и сокровенных Твоих исполнися чрево их, насытишася сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоей.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

## Седальны воскресны, глас 6

Гробу отверсту, аду плачущуся, Мария вопияше ко скрывшимся апостолом: изыдите винограда делателие, проповедите Воскресения слово: воскресе Господь, подая мирови велию милость.

*Стих:* Воскресни Господи Боже мой, да вознесется рука Твоя, не забуди убогих Твоих до конца.

Господи, предстояше гробу Твоему Мария Магдалина, и плакаше вопиючи, вертоградаря тя мнящи, глаголаше: где сокрыл еси вечный Живот? где положил еси, иже на престоле Херувимстем сидящаго? стрегущии бо сего, от страха омертвеша. Или Господа моего дадите ми, или со мною возопийте: иже в мертвых быв, и мертвья воскресив, слава Тебе.

Слава, и ныне: Преднаписует Гедеон зачатие, и сказует Давид Рождество Твое, Богородице: сниде бо яко дождь на руно, Слово во чрево Твое, и прозябла еси без семени, земле Святая, мирови спасение, Христа Бога нашего, Благодатная.

Господи, помилуй. *(Трижды.)*

Слава, и ныне:

## КАФИЗМА ТРЕТЬЯ

### Псалом 17

Возлюблю Тя, Господи, крепосте моя. Господь утверждение мое, и прибежище мое, и Избавитель мой, Бог мой, Помощник мой, и уповаю на Него, Защититель мой, и рог спасения моего, и Заступник мой. Хваля призову Господа и от враг моих спасуся. Одержаша мя болезни смертныя, и потоцы беззакония смятоша мя, болезни адовы обыдоша мя, предвариша мя сети смертныя. И вегда скорбети ми, призвах Господа, и к Богу моему воззвах: услыша от храма Святаго Своего глас мой, и вопль мой пред Ним внидет во уши Его. И подвижеся, и трепетна бысть земля, и основания гор смятошася и подвигошася, яко прогнеवासя на ня Бог. Взыде дым гневом Его, и огонь от лица Его воспламенится, углие возгореся от Него. И приклони небеса, и сниде, и мрак под ногама Его. И взыде на Херувимы, и лете, лете на крилу ветренню. И положи тьму закров Свой, окрест Его селение Его, темна вода во облацех воздушных. От облистания пред Ним облацы проидоша, град и углие огненное. И возгреме с Небесе Господь, и Вышний даде глас Свой. Низпосла стрелы и разгна я, и молнии умножи и смяте я. И явишася источники воднии, и открышася основания вселенная от запрещения Твоего, Господи, от дохновения духа гнева Твоего. Низпосла с высоты, и прият мя, восприят мя от вод многих. Избавит мя от врагов моих сильных и от ненавидящих мя, яко утвердишася паче мене. Предвариша мя в день озлобления моего, и бысть Господь утверждение мое. И изведе мя на широту, избавит мя, яко восхоте мя. И воздаст ми Господь по правде моей, и по чистоте руку мою воздаст ми, яко сохраних пути Господни и не нечествовах от Бога моего. Яко вся судьбы Его предо мною и оправдания Его не отступиша от мене. И буду непорочен с Ним, и сохранюся от беззакония моего. И воздаст ми Господь по правде моей и по чистоте руку мою пред очима Его. С

преподобным преподобен будеши, и с мужем неповинным неповинен будеши, и со избранным избран будеши, и со строптивым развратишия. Яко Ты люди смиренныя спасеши и очи гордых смириши. Яко Ты просветиши светильник мой, Господи, Боже мой, просветиши тьму мою. Яко Тобою избавлюся от искушения и Богом моим преиду стену. Бог мой, непорочен путь Его, словеса Господня разжжена, Защититель есть всех уповающих на Него. Яко кто бог, разве Господа? или кто бог, разве Бога нашего? Бог препоясуяй мя силою, и положи непорочен путь мой. Совершаяй нозе мои, яко елени, и на высоких поставляяй мя. Научаяй руце мои на брань, и положил еси лук медян мышца моя. И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. Уширил еси стопы моя подо мною, и не изнемогосте плесне мои. Пожену враги моя, и постигну я, и не возвращуся, дондеже скончаются. Оскорблю их, и не возмогут стати, падут под ногама моима. И препоясал мя еси силою на брань, спял еси вся востающия на мя под мя. И врагов моих дал ми еси хребет, и ненавидящия мя потребил еси. Возваша, и не бе спасаяй: ко Господу, и не услыша их. И истню я яко прах пред лицом ветра, яко брение путей поглажду я. Избавиши мя от пререкания людей, поставиши мя во главу языков. Людие, ихже не ведех, работаша ми, в слух уха послушаша мя. Сынове чуждии солгаша ми, сынове чуждии обетшаша и охромоша от стезь своих. Жив Господь, и благословен Бог, и да вознесется Бог спасения моего. Бог даяй отмщение мне и покоривый люди под мя. Избавитель мой от враг моих гневливых, от востающих на мя вознесеши мя, от мужа неправедна избавиши мя. Сего ради исповемся Тебе во языцех, Господи, и имени Твоему пою: величаяй спасения царева, и творяй милость христу Своему Давиду, и семени его до века.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

## Псалом 18

Небеса поведают славу Божию, творение же руку Его возвещает твердь. День дни отрыгает глагол, и ночь ночи возвещает разум. Не суть речи, ниже словеса, ихже не слышатся гласи их. Во всю землю изыде вещание их и в концы вселенныя глаголы их. В солнце положи селение Свое, и Той, яко Жених исходяй от чертога Своего, возрадуется, яко Исполин тещи путь. От края небесе исход Его, и сретение Его до края небесе, и несть иже укрыется теплоты Его. Закон Господень непорочен, обращаяй души, свидетельство Господне верно, умудряющее младенцы. Оправдания Господня права, веселящая сердце, заповедь Господня светла, просвещающая очи. Страх Господень чист, пребываяй в век века: судьбы Господни истинны, оправданы вкупе, вожделенны паче злата и камене честна многа и слаждша паче меда и сота. Ибо раб Твой хранит я, внегда сохранили я, воздаяние много. Грехопадения кто разумеет? От тайных моих очисти мя, и от чуждих пощади раба Твоего, аще не обладают мною, тогда непорочен буду и очищуся от греха велика. И будут во благоволение словеса уст моих, и поучение сердца моего пред Тобою выну, Господи, Помощниче мой и Избавителю мой.

## Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всеожжение твое тучно буди. Даст ти Господь по сердцу Твоему и весь совет твой исполнит. Возрадуемся о спасении твоём, и во имя Господа Бога нашего возвеличимся. Исполнит Господь вся прошения твоя. Ныне познах, яко спасе

Господь христа Своего, услышит его с Небесе Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовем. Тии спяти быша и падоша, мы же востяхом и исправихомся. Господи, спаси царя и услыши ны, воньже аще день призовем Тя.

## Псалом 20

Господи, силою Твоею возвеселится царь и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дний во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостию с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их яко пещь огненную во время лица Твоего, Господь гневом Своим смятет я, и снесть их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоем и поем силы Твоя.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

## Псалом 21

Боже, Боже мой, вонми ми, вскую оставил мя еси? Далече от спасения моего словеса грехопадений моих. Боже мой, воззову во дни, и не услышиши, и в ночи, и не в безумие мне. Ты же во Святем живещи, хвало Израилева. На Тя уповаша отцы наши, уповаша и избавил еси я. К Тебе возваша, и спасошася, на Тя уповаша, и не постыдешася. Аз же есмь червь, а не человек, поношение человеков и уничижение людей. Все видящии мя поругаша ми ся, глаголаша устнами, покиваша главою: упова на Господа, да избавит его, да спасет его, яко хочет его. Яко Ты еси исторгий мя из чрева, упование мое от сосцу матере моя. К Тебе привержен есмь от ложесн, от чрева матере моя Бог мой еси Ты. Да не отступиши от мене, яко скорбь близ, яко несть помогая ми. Обыдоша мя тельцы мнози, юнцы тучнии одержаша мя. Отверзоша на мя уста своя, яко лев восхищай и рыкай. Яко вода излияхся, и разсыпашася вся кости моя, бысть сердце мое яко воск, таяй посреде чрева моего. Изсше яко скудель крепость моя, и язык мой прильпе гортани моему, и в персть смерти свел мя еси. Яко обыдоша мя пси мнози, сонм лукавых одержаша мя, ископаша руце мои и нозе мои. Исчетоша вся кости моя, тии же смотриша и презреша мя. Разделиша ризы моя себе, и о одежди моей меташа жребий. Ты же, Господи, не удали помощь Твою от мене, на заступление мое вонми. Избави от оружия душу мою, и из руки песии едиnorodную мою. Спаси мя от уст львовых и от рог единорожь смирение мое. Повем имя Твое братии моей, посреде церкви воспою Тя. Боящиися Господа, восхвалите Его, все семя Иаковле, прославите Его, да убоится же от Него все семя Израилево. Яко не уничижи, ниже негодова молитвы нищаго, ниже отврати лице Свое от мене, и егда воззвах к Нему, услыша мя. От Тебе похвала моя, в церкви велицей исповемся Тебе, молитвы моя вздам пред боящимися Его. Ядят убозии и насытятся, и восхвалят Господа взыскающии Его, жива будут сердца их в век века. Помянутся и обратятся ко Господу вси концы земли, и поклонятся пред Ним вся отечествия язык. Яко Господне есть царствие, и Той обладает языки. Ядоша и поклонишася вси тучнии

земли, пред Ним припадут вси низходящи в землю, и душа моя тому живет. И семя мое поработает Ему, возвестит Господеви род грядущий. И возвестят правду Его людем рождшимся, яже сотвори Господь.

## Псалом 22

Господь пасет мя, и ничтоже мя лишит. На месте злачне, тамо всели мя, на воде покойне воспита мя. Душу мою обрати, настави мя на стези правды, имене ради Своего. Аще бо и пойду посреде сени смертных, не убоюсь зла, яко Ты со мною еси, жезл Твой и палица Твоя, та мя утешиста. Уготовал еси предо мною трапезу сопротив стужающим мне, умастил еси елеом главу мою, и чаша Твоя упоявающи мя, яко державна. И милость Твоя поженет мя вся дни живота моего, и еже вселити ми ся в дом Господень, в долготу дней.

## Псалом 23

Господня земля, и исполнение ея, вселенная и вси живущии на ней. Той на морях основал ю есть, и на реках уготовал ю есть. Кто взыдет на гору Господню? или кто станет на месте святем Его? Неповинен руками и чист сердцем, иже не прият всуе душу свою, и не клянется лестию искреннему своему. Сей примет благословение от Господа, и милостыню от Бога, Спаса своего. Сей род ищущих Господа, ищущих лице Бога Иаковля. Возмите врата князи ваша, и возмיתесь врата вечная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмיתесь врата вечная, и внидет Царь славы. Кто есть сей Царь славы? Господь сил, Той есть Царь славы.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

## Седальны воскресны, глас 6

Живот во гробе возлежаше, и печать на камени надлежаше: яко Царя спяща воины стражаху Христа, и враги Своя невидимо поразивый, воскресе Господь.

*Стих:* Исповемся Тебе Господи, всем сердцем моим, поведем вся чудеса Твоя.

Преднаписует Иона гроб Твой, и скажет Симеон востание Божественное, Безсмертне Господи: сошел бо еси яко мертв во гроб, разрушивый адова врата, воскресл же еси кроме тления яко Владыка, во спасение мира, Христе Боже наш, просветивый сущия во тьме.

Слава, и ныне: Богородице Дево, моли Сына Твоего, волею пригвожденнаго на Кресте, и воскресшаго из мертвых Христа Бога нашего, спастися душам нашим.

Господи, помилуй. *(Трижды.)*

Слава, и ныне:

## КАФИЗМА 17 (непорочны<sup>1</sup>)

### Псалом 118

Блажени непорочнии в путь, ходящи в законе Господни. Блажени испытующии свидения Его, всем сердцем взыщут Его, не делающии бо беззакония, в путех Его

---

<sup>1</sup> НЕПОРОЧНЫ – это 17-я кафизма, состоящая полностью из псалма 118, в которой пророк Давид воспевае Божественный закон, спасающий человека в этой жизни и по смерти, а соблюдающих его называет блаженными. Непорочны – торжественная, праздничная кафизма, исполненная глубочайшего смысла и обильного назидания для верующих, поэтому Устав церковный назначает их для торжественного пения на утренях большей части воскресных дней года. Завершаются непорочны тропарями по непорочных «Ангельский собор удивися...» – о благовестии Ангела женам-мироносицам о Воскресении Спасителя.

ходиша. Ты заповедал еси заповеди Твоя сохранить зело. Дабы исправилися путие мои, сохранить оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости сердца, внегда научити ми ся судьбам правды Твоея. Оправдания Твоя сохраню, не остави мене до зела. В чесом исправит юнейший путь свой? Внегда сохранить словеса Твоя. Всем сердцем моим взысках Тебе, не отрини мене от заповедей Твоих. В сердце моем скрых словеса Твоя, яко да не согрешу Тебе. Благословен еси Господи: научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумею пути Твоя. Во оправданиях Твоих поучуся, не забуду словес Твоих. Воздаждь рабу Твоему: живи мя, и сохраню словеса Твоя. Открой очи мои, и уразумею чудеса от закона Твоего. Пришлец аз есмь на земли: не скрый от мене заповеди Твоя. Возлюби душа моя возжелати судьбы Твоя на всякое время. Запретил еси гордым: прокляти уклоняющиися от заповедей Твоих. Отыми от мене понос и уничижение, яко свидений Твоих взысках. Ибо седоша князи, и на мя клеветашу, раб же Твой глумляшеся во оправданиях Твоих: ибо свидения Твоя поучение мое есть, и совети мои оправдания Твоя. Прильпе земли душа моя: живи мя по словеси Твоему. Пути моя возвестих, и услышал мя еси: научи мя оправданием Твоим. Путь оправданий Твоих вразуми ми, и поглумлюся в чудесех Твоих. Воздрема душа моя от уныния: утверди мя в словесех Твоих. Путь неправды отстави от мене, и законом Твоим помилуй мя. Путь истины изволих, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда расширил еси сердце мое. Законоположи мне, Господи, путь оправданий Твоих, и взыщу и выну; вразуми мя, и испытаю закон Твой, и сохраню и всем сердцем моим. Настави мя на стезю заповедей Твоих, яко тую восхотех. Приклони сердце мое во свидения Твоя, а не в лихоимство. Отврати очи мои, еже не видети суеты, в пути Твоем живи мя. Постави рабу Твоему слово Твое в страх Твой. Отыми поношение мое, еже непщевах, яко судьбы Твоя благи. Се возжелах заповеди Твоя, в правде Твоей живи мя. И да приидет на мя милость Твоя, Господи, спасение Твое по словеси Твоему. И отвечаю поношающим ми слово, яко уповах на словеса Твоя. И не отыми от уст моих словесе истинна до зела, яко на судьбы Твоя уповах, и сохраню закон Твой выну, в век и в век века. И хождях в широте, яко заповеди Твоя взысках. И глаголах о свидениях Твоих пред цари, и не стыдяхся; и поучахся в заповедех Твоих, яже возлюбих зело; и воздвигох руце мои к заповедем Твоим, яже возлюбих, и глумляхся во оправданиях Твоих. Помяни словеса Твоя рабу Твоему, ихже упование дал ми еси. То мя утеши во смирении моем, яко слово Твое живи мя. Гордии законопреступоваху до зела, от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельствия моего. Помянух в нощи имя Твое, Господи, и сохраних закон Твой. Сей бысть мне, яко оправданий Твоих взысках. Часть моя еси, Господи, рех сохранить закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих нозе мои во свидения Твоя. Уготовихся и не смутихся сохранить заповеди Твоя. Ужа грешник обязашася мне, и закона Твоего не забых. Полунощи востях исповедатися Тебе о судьбах правды Твоея. Причастник аз есмь всем боящимся Тебе, и хранящим заповеди Твоя. Милости Твоея, Господи, исполнь земля, оправданием Твоим научи мя. Благость сотворил еси с рабом Твоим, Господи, по словеси Твоему. Благости, и наказанию, и разуму научи мя, яко заповедем Твоим веровах. Прежде даже не смирити ми ся, аз прегреших, сего ради слово Твое сохраних. Благ еси Ты, Господи, и благостию Твоею научи мя оправданием Твоим. Умножися на мя неправда гордых, аз же всем сердцем моим испытаю заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси, яко да научуся оправданием

Твоим. Благ мне закон уст Твоих, паче тысящ злата и сребра.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

Руце Твои сотвористе мя и создасте мя: вразуми мя, и научуся заповедем Твоим. Боящиеся Тебе узрят мя и возвеселятся, яко на словеса Твоя уповах. Разумех Господи, яко правда судьбы Твоя, и воистинну смирил мя еси. Буди же милость Твоя, да утешит мя по словеси Твоему рабу Твоему. Да приидут мне щедроты Твоя, и жив буду, яко закон Твой поучение мое есть. Да постыдятся гордии, яко неправедно беззаконноваша на мя, аз же поглумлюся в заповедех Твоих. Да обратят мя боящиеся Тебе, и ведящии свидения Твоя. Буди сердце мое непорочно во оправданиях Твоих, яко да не постыжуся. Исчезает во спасение Твое душа моя, на словеса Твоя уповах. Исчезоша очи мои в слово Твое, глаголюще: когда утетиши мя? Зане бых яко мех на слане, оправданий Твоих не забуду. Колико есть дней раба Твоего? Когда сотвориши ми от гонящих мя суд? Поведаша мне законопреступницы глумления, но не яко закон Твой, Господи. Вся заповеди Твоя истина; неправедно погнаша мя, помози ми. Вмале не скончаша мене на земли, аз же не оставих заповедей Твоих. По милости Твоей живи мя, и сохраню свидения уст Твоих. Во век, Господи, слово Твое пребывает на Небеси. В род и род истина Твоя: основал еси землю, и пребывает. Учинением Твоим пребывает день, яко всяческая работна Тебе. Яко аще бы не закон Твой поучение мое был, тогда убо погибл бых во смирении моем. Во век не забуду оправданий Твоих, яко в них оживил мя еси. Твой есмь аз, спаси мя, яко оправданий Твоих разысках. Мене ждаша грешницы погубити мя, свидения Твоя разумех. Всякия кончины видех конец, широка заповедь Твоя зело. Коль возлюбих закон Твой, Господи, весь день поучение мое есть. Паче враг моих умудрил мя еси заповедию Твоею, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя разысках. От всякаго пути лукава возбраних ногам моим, яко да сохраню словеса Твоя. От судеб Твоих не уклонихся, яко Ты законоположил ми еси. Коль сладка гортани моему словеса Твоя, паче меда устом моим. От заповедей Твоих разумех, сего ради возненавидех всяк путь неправды. Светильник ногама моима закон Твой, и свет стезям моим. Кляхся и поставих сохранити судьбы правды Твоея. Смирихся до зела, Господи, живи мя по словеси Твоему. Вольная уст моих благоволи же, Господи, и судьбам Твоим научи мя. Душа моя в руку Твоею выну, и закона Твоего не забуду. Положиша грешницы сеть мне, и от заповедей Твоих не заблудих. Наследовах свидения Твоя во век, яко радование сердца моего суть. Приклоних сердце мое сотворити оправдания Твоя в век за воздаяние. Законопреступныя возненавидех, закон же Твой возлюбих. Помощник мой и Заступник мой еси Ты, на словеса Твоя уповах. Уклонитесь от мене лукавнующии, и испытаю заповеди Бога моего. Заступи мя по словеси Твоему, и жив буду, и не посрами мене от чаяния моего. Помози ми, и спасуся, и поучуся во оправданиях Твоих выну. Уничижил еси вся отступающия от оправданий Твоих, яко неправедно помышление их. Преступающия непщевах вся грешныя земли, сего ради возлюбих свидения Твоя. Пригвозди страху Твоему плоти моя, от судеб бо Твоих убояхся. Сотворих суд и правду, не предаждь мене обидящим мя. Восприими раба Твоего во благо, да не оклеветают мене гордии. Очи мои исчезосте во спасение Твое, и в слово правды Твоея. Сотвори с рабом Твоим по милости Твоей, и оправданием Твоим научи мя. Раб Твой есмь аз: вразуми мя, и увем свидения Твоя. Время сотворити Господеви: разориша закон Твой. Сего ради возлюбих заповеди Твоя паче злата и топазия. Сего ради ко всем заповедем Твоим

направляхся, всяк путь неправды возненавидех. Дивна свидения Твоя, сего ради испыта я душа моя. Явление словес Твоих просвещает и вразумляет младенцы. Уста моя отверзох, и привлекох дух, яко заповедей Твоих желлах.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

Слава, и ныне:

Призри на мя и помилуй мя, по суду любящих имя Твое. Стопы моя направи по словеси Твоему, и да не обладает мною всякое беззаконие. Избави мя от клеветы человеческия, и сохрани заповеди Твоя. Лице Твое просвети на раба Твоего, и научи мя оправданием Твоим. Исходища водная изведосте очи мои, понеже не сохраних закона Твоего. Праведен еси, Господи, и прави суди Твои; заповедал еси правду свидения Твоя и истину зело. Истаяла мя есть ревность Твоя, яко забыша словеса Твоя врази мои. Разжжено слово Твое зело, и раб Твой возлюбил е. Юнейший аз есмь и уничижен, оправданий Твоих не забых. Правда Твоя правда во век, и закон Твой истина. Скорби и нужды обретоша мя, заповеди Твоя поучение мое. Правда свидения Твоя во век, вразуми мя, и жив буду. Воззвах всем сердцем моим, услыши мя, Господи, оправдания Твоя взыщу. Воззвах Ти, спаси мя, и сохрани свидения Твоя. Предварих в безгодии и воззвах, на словеса Твоя уповах. Предваристе очи мои ко утру, поучитися словесем Твоим. Глас мой услыши, Господи, по милости Твоей: по судьбе Твоей живи мя. Приблужишася гонящии мя беззаконием, от закона же Твоего удалишася. Близ еси Ты, Господи, и вси путие Твои истина. Исперва познах от свидений Твоих, яко во век основал я еси. Видь смирение мое и изми мя, яко закона Твоего не забых. Суди суд мой и избави мя, словесе ради Твоего живи мя. Далече от грешник спасение, яко оправданий Твоих не взыскаша. Щедроты Твоя многи, Господи, по судьбе Твоей живи мя. Мнози изгонящии мя и стужающии ми, от свидений Твоих не уклонихся. Видех неразумеваящая и истаях, яко словес Твоих не сохраниша. Видь, яко заповеди Твоя возлюбих, Господи, по милости Твоей живи мя. Начало словес Твоих истина, и во век вся судьбы правды Твоея. Князи погнаша мя туне, и от словес Твоих убояся сердце мое. Возрадуяся аз о словесех Твоих, яко обретаяй корысть многу. Неправду возненавидех и омерзих, закон же Твой возлюбих. Седмерицею днем хвалих Тя о судьбах правды Твоея. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя и возлюбил я зело. Сохраних заповеди Твоя и свидения Твоя, яко вси путие мои пред Тобою, Господи. Да приблизится моление мое пред Тя, Господи, по словеси Твоему вразуми мя. Да внидет прошение мое пред Тя, Господи, по словеси Твоему избави мя. Отрыгнут устне мои пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спасти мя, яко заповеди Твоя изволих. Возжелах спасение Твое, Господи, и закон Твой поучение мое есть. Жива будет душа моя и восхвалит Тя, и судьбы Твоя помогут мне. Заблудих, яко овца погибшее, взыщи раба Твоего, яко заповедей Твоих не забых.

### Тропари воскресные, по непорочных, глас 5

Благословен еси, Господи, научи мя оправданием Твоим.

Ангельский собор удивися, зря Тебе в мертвых вменившася, смертную же, Спасе, крепость разоривша, и с Собою Адама воздвигша, и от ада вся свободша.

Благословен еси, Господи, научи мя оправданием Твоим.

Почто мира с милостивными слезами, о ученицы, растворяете? Блистайся во гробе Ангел мироносицам вещаше: видите вы гроб и уразумеите: Спас бо воскрес от гроба.

Благословен еси, Господи, научи мя оправданием Твоим.

Зело рано мироносицы течаху ко гробу Твоему рыдающе, но предста к ним Ангел и рече: рыдания время преста, не плачите, воскресение же апостолом рцыте.

Благословен еси, Господи, научи мя оправданием Твоим.

Мироносицы жены с мираы пришедша ко гробу Твоему, Спасе, рыдаху, Ангел же к ним рече, глаголя: что с мертвыми Живаго помышляете? Яко Бог бо, воскрес от гроба.

Слава: Поклонимся Отцу и Его Сынови, и Святому Духу (*поклон*), Святей Троице во едином существе, с Серафимы зовуще: Свят, Свят, Свят еси, Господи.

И ныне: Жизнодавца рождши, греха, Дево, Адама избавила еси, радость же Еве в печали место подала еси; падшия же от жизни к сей направи из Тебе воплотивыйся Бог и Человек.

Аллилуия, аллилуия, аллилуия, слава Тебе, Боже. (*Трижды с поклонами.*)

Господи, помилуй. (*Трижды.*)

Слава, и ныне:

### Ипакои<sup>1</sup>, глас 6

Вольною и животворящею Твоею смертию, Христе, врата адова сокрушив яко Бог, отверзл еси нам древний рай, и воскрес из мертвых, избавил еси от тления живот наш!

### СТЕПЕННЫ<sup>2</sup>, глас 6

#### Антифон 1

На небо очи мои возвожу, к Тебе, Слове: ущедри мя, да живу Тебе.

Помилуй нас, уничиженных, устрояя благопотребныя Твоя сосуды, Слове.

Слава: Святому Духу, всякая всеспасительная вина, аще коему сей по достоянию дхнет, скоро возьмет от земных, восперяет, возвращает, устрояет горе.

И ныне: Святому Духу, всякая всеспасительная вина, аще коему сей по достоянию дхнет, скоро возьмет от земных, восперяет, возвращает, устрояет горе.

#### Антифон 2

Аще не Господь бы был в нас, никтоже от нас противу возмогл бы вражиим бранем одолети: побеждающи бо от zde возносятся.

Зубы их да не ята будет душа моя, яко птенец, Слове: увы мне, како имам от

---

<sup>1</sup> ИПАКОИ – в переводе с греч. – повиновение, послушание и внимание, то есть это тропарь, достойный и требующий особого внимания

<sup>2</sup> СТЕПЕННЫ – песнопения, составленные на основании псалмов (119–133), именуемых «Песнь степеней», то есть ступеней, знаменующих собой восхождение верующих от земли на Небо, от места странствования в отечество, от скорби к радости и от бедствий к блаженному покою. Степенны предваряют чтение Евангелия, как бы приготавливая, возводя нас к слушанию слова Божия. По способу исполнения именуется АНТИФОНАМИ (с греч. – противоположие, т.е. песнопения поемые на обоих клиросах попеременно.



врага избыти, грехолюбив сый!

Слава: Святым Духом обожение всем, благоволение, разум, мир и благословение: равнодетелен бо есть Отцу и Слово.

И ныне: Святым Духом обожение всем, благоволение, разум, мир и благословение: равнодетелен бо есть Отцу и Слово.

### Антифон 3

Надеющиеся на Господа, врагом страшни, и всем дивни, горе бо зрят.

В беззакония рук своих, праведных жребий, помощника Тя имея, Спасе, не простирает.

Слава: Святаго Духа держава на всех: Емуже вышняя воинства поклоняются со всяким дыханием дольным.

И ныне: Святаго Духа держава на всех: Емуже вышняя воинства поклоняются со всяким дыханием дольным.

### Прокимен перед Евангелием

Прокимен, глас 6: Господи, воздвигни силу Твою, и прииди во еже спасти нас.

*Припев:* Господи, воздвигни силу Твою, и прииди во еже спасти нас.

*Стих:* Пасый Израиля, вонми, наставляяй яко овча Иосифа.

*Припев:* Господи, воздвигни силу Твою, и прииди во еже спасти нас.

*Стих:* Господи, воздвигни силу Твою.

*Припев:* и прииди во еже спасти нас.

Господи Иисусе Христе Сыне Божий, помилуй нас. Аминь.

*Стих:* Всякое дыхание да хвалит Господа.

*Припев:* Всякое дыхание да хвалит Господа.

*Стих:* Хвалите Бога во святых Его, хвалите Его во утверждение силы Его.

*Припев:* Всякое дыхание да хвалит Господа.

*Стих:* Всякое дыхание.

*Припев:* Да хвалит Господа.

Господи, помилуй (*Трижды.*)

### ВОСКРЕСНОЕ ЕВАНГЕЛИЕ

От Луки Святаго Евангелия чтение<sup>1</sup>.

Слава Тебе, Господи, слава Тебе. (*Поклон.*)

Во время оно, воскрес Иисус от мертвых, ста посреде ученик Своих, и глагола им: мир вам. Убоявшеся же и пристрашни бывше, мняху дух видяще. И рече им: что смущени есте; и почто помышления входят в сердца ваша; Видите руце Мои, и нозе Мои, яко Сам Аз есмь: осяжите мя и видите, яко дух плоти и кости не имать, якоже Мене видите имуща. И сие рек, показа им руце и нозе. Еще же не верующим им от радости, и чудящимся, рече им: имате ли что снадно zde; Они же даша Ему рыбы печени часть, и от пчел сот. И взял, пред ними яде. Рече же им: сия суть словеса, яже глаголах к вам, еще сый с вами, яко подобает скончатися всем написанным в законе Моисеове, и пророцех, и псалмех о Мне. Тогда отверзе им ум разумети писания. И рече им: яко тако писано есть, и тако подобаше пострадати Христу, и воскреснути от мертвых в третий день: И проповедатися во имя Его покаянию, и отпущению грехов, во всех языцех, наченше от Иерусалима. Вы же есте свидетелие сим. И се Аз послю обетование Отца Моего на вы: вы же сидите во граде Иерусалимсте, дондеже облечетесь силою свыше. Извед же их вон до Вифании, и воздвиг руце Свои, и благослови их. И бысть егда благословляше их, отступи от них, и возношашеся на небо. И тии поклонишася Ему, и возвратишася во

<sup>1</sup> Здесь дано общее Евангелие для всех воскресных дней (Лк. 24, 36-53), но можно читать то Евангелие, которое указано в Церковном календаре для утрени данного дня.

Иерусалим с радостью великою. И бяху выну в церкви, хваляще и благословяще Бога. Аминь.

Слава Тебе, Господи, слава Тебе. *(Поклон.)*

### Воскресная песнь по Евангелии, глас 6

Воскресение Христово видевше, поклонимся Святому Господу Иисусу *(поклон)*, Единому безгрешному. Кресту Твоему поклоняемся, Христе *(поклон)*, и Святое Воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите вси вернии, поклонимся *(поклон)* Святому Христову Воскресению: се бо прииде Крестом радость всему миру. Всегда благословяще Господа, поем Воскресение Его: распятие бо претерпев, смертью смерть разруши.

### Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Слава: Молитвами апостолов, Милостививе, очисти множество согрешений наших.

И ныне: Молитвами Богородицы, Милостививе, очисти множество согрешений наших.

Помилуй мя, Боже, по велицей милости Твоей, и по множеству щедрот Твоих очисти беззаконие мое.

### Стихира воскресная

Воскрес Иисус от гроба, якоже прорече, даде нам живот вечный, и велию милость.

Господи, помилуй. *(12 раз.)*

Слава, и ныне:

Господи Иисусе Христе Сыне Божий, помилуй нас. Аминь.

# КАНОНЫ

## воскресен, крестовоскресен и Пресвятей Богородице, глас 6

### Песнь 1

*Ирмос:* Яко по суху пешешествовав Израиль, по бездне стопами, гонителя фараона видя потопляема, Богу победную песнь поим вопияше.

**Слава, Господи, Святому Воскресению Твоему. (Поклон.)**

Распростертыма дланьма на Кресте, Отческаго исполнил еси благоволения, Благий Иисусе, всяческая, темже победную песнь Тебе вси поим.

**Слава, Господи, Святому Воскресению Твоему.**

Страхом к Тебе яко рабыня, смерть повелена приступи Владыце живота, Тою подающему нам безконечный живот и воскресение.

**Пресвятая Богородице, спаси нас.**

Своего приемши Содетеля, яко Сам, восхоте, от безсеменнаго Твоего чрева, паче ума воплощаема, Чистая, тварей воистинну явилася еси Владычица.

### Ин канон

**Слава, Господи, Кресту Твоему Честному и Воскресению. (Поклон.)**

Судилищу Пилатову предстоит хотя беззаконному суду, яко судимь Судия, и от руки неправды по лицу заушается Бог, Егоже трепещут земля и небесная.

**Слава, Господи, Кресту Твоему Честному и Воскресению.**

Простерл еси Божественней длани Твои, Спасе, на Пречистем Твоем и Живоноснем Кресте: и собрал еси языки в познание Твое, Владыко, поклоняющиеся, Господи, славному Твоему распятию.

**Пресвятая Богородице, спаси нас.**

Стояше слез источники испущающи, Пренепорочная при Кресте Твоем, Спасе, яже от ребра Твоего капли кровей зрящи, Христе, и Твою безприкладную милость славящи.

### Ин канон

**Пресвятая Богородице, спаси нас. (Поклон.)**

Причащшися Ева саду, преслушаннаго брашна, клятву введе: но сию разрешила еси, Чистая, благословения начаток Христа рождши.

**Пресвятая Богородице, спаси нас.**

Яже бисера от Божественных молнии Христа рождши, страстей моих мглу, и прегрешений смущение, Чистая, разжени светом Твоея светлости.

Слава: Языков чаяние, Иаков из Тебе воплощаемаго предзряше тайно умными очима Бога, избавльшаго нас ходатайством Твоим.

И ныне: Оскудевшим князем от колена Иудова, Пречистая, Сын Твой и Бог, прошед вождь, над концы земными ныне воистинну воцарися.

*Катавасия*<sup>1</sup>: Отверзу уста моя, и наполнятся духа, и слово отрыгну Царице

---

<sup>1</sup> КАТАВАСИЯ (с греч. сходжение, выход, соглашение) – ирмос, который поется в конце каждой песни; для его торжественного исполнения певцы с обоих клиросов сходились на середину церкви.

Матери, и явлюся светло торжествуя, и воспою радуясь Тоя чудеса.

### Песнь 3

*Ирмос:* Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

**Слава, Господи, Святому Воскресению Твоему.**

Бога распинаема плотию зрящи тварь растаявашеся страхом: но содержительною дланию нас ради Распятаго, крепко держима бе.

**Слава, Господи, Святому Воскресению Твоему.**

Смертию смерть разорена лежит окаянная без дыхания: живота бо не терпящи Божественнаго приражения, умерщвляется Крепкий, и даруется всем воскресение.

**Пресвятая Богородице, спаси нас.**

Божественнаго Рождества Твоего Чистая, всякий естества чин превосходит чудо: Бога бо преестественне зачала еси во чреве, и рождши пребываеши присно Дева.

### Ин канон

**Слава, Господи, Кресту Твоему Честному и Воскресению.**

Во гробе тридневствовавый воскресил еси животворящим востанием Твоим прежде умерщвленная, и осуждения разрешившеся радостно веселяхуся, се избавление пришел еси Господи, зывающе.

**Слава, Господи, Кресту Твоему Честному и Воскресению.**

Слава Твоему востанию, Спасе наш, яко нас от ада тления, и смерти избавил еси яко Всесилен, и поуще глаголем: несть Свят разве Тебе, Господи Человеколюбче.

**Пресвятая Богородице, спаси нас.**

Ты от Тебе рождагояся яко видела еси уязвлена копием, уязвилася еси сердцем, Пресвятая Всенепорочная, и ужасающися глаголала еси: что Тебе воздаде, Чадо, народ пребеззаконный?

### Ин канон

**Пресвятая Богородице, спаси нас.**

Тленную мою плоть и смертную, Всечистая Богомати, из чрева Твоего несказанно прием Благий, и обезтленив сию, вечне Себе связал есть.

**Пресвятая Богородице, спаси нас.**

Бога воплощаема из Тебе зряще, Дево, ужасохуся страхом лица ангельстии, и яко Матерь Божию немолчными песньми Тя почитают.

**Слава:** Ужасеся, гору умную видев Тя пророк Даниил, из Неяже камень отсецется кроме рук: и демонская капища, Богомати, крепко сокруши.

**И ныне:** Не может слово Тя человеческое, ниже язык, Дево, похвалити достойно: из Тебе бо без семене Жизнодавец Христос воплотится, Пречистая, благоволи.

*Катавасия:* Твоя песнословцы, Богородице, живой и независтный источниче, лик себе совокупльшия духовно утверди в Божественней Твоей славе, венцев славы сподоби.

Господи, помилуй. (*Трижды.*)

Слава, и ныне:

## Седален, глас 8

Яко Всенепорочная Невесто Творцу, яко неискусомужная Мати Избавителя, приятелище яко сущи Утешителя, Всепетая. Беззаконно мя суща скверно жилище, и бесом игралище в разуме бывша, потщися и сих злодействия мя избавити, светло жилище добродетельми соделавши, Светодательная и Нетленная, разжени облак страстей, и вышняго причастия сподоби, и свету невечернему молитвами си.

### Песнь 4

*Ирмос:* Христос моя сила, Бог и Господь, честная Церковь боголепно поет, взываючи от смысла чиста, о Господе празднующи.

**Слава, Господи, Святому Воскресению Твоему.**

Древо процвело есть, Христе, истинная жизни: Крест бо водрузися, и напоен быв кровию и водою от нетленного Твоего ребра, живот нам прозябе.

**Слава, Господи, Святому Воскресению Твоему.**

Не ктому змий мне ложне обожение подлагает: Христос бо Богоделатель человеческого естества, ныне невозбранно стезю живота мне отверзе.

**Пресвятая Богородице, спаси нас.**

Яко воистинну неизвещанна и непостижима, яже Твоего Боголепного Богородице суть Рождества, сущим на земли и на Небеси, Приснодево, таинства.

### Ин канон

**Слава, Господи, Кресту Твоему Честному и Воскресению.**

Честный Крест Твой почитаем, и гвозди, Христе, и святое копие с тростию, венец иже от терний, имиже от адова нетления избавихомся.

**Слава, Господи, Кресту Твоему Честному и Воскресению.**

Гроб, Спасе, Тя подъят волею мертва о нас явльшагося, но никакоже возможе, Слове, удержати: яко Бог бо воскресл еси, спасая род наш.

**Пресвятая Богородице, спаси нас.**

Богородительнице Приснодево, Спаси Христа человеком рождающая, от бед и мук избави нас, прибегающих верою к Божественному покрову Твоему.

### Ин канон

**Пресвятая Богородице, спаси нас.**

Поем Пречистая Тебе, Всенепорочную, иже Тобою спасшиися, и благочестно поюще взываем: Благословенна, яже Бога, Приснодево, рождающая.

**Пресвятая Богородице, спаси нас.**

Свет незаходимый, Дево, родила еси, сущим во тьме жития, плотию светящ, Всеблаженная, и поущим Тя, радость, Приснодево, источила еси.

Слава: Благодать процвете, закон преста, Тобою, Всесвятая: Ты бо, Чистая, родила еси Господа, подающего нам, Приснодево, оставление.

И ныне: Мертва мя показа сада вкушение, жизни же древо из Тебе явльшееся, Пречистая, воскреси, и райския сладости наследника мя устрои.

*Катавасия:* Седяй в славе на престоле Божества, во облаце легце, прииде Иисус пребожественный, нетленную дланию, и спасе зовущия: слава, Христе, силе Твоей.

## Песнь 5

*Ирмос:* Божиим светом Твоим, Блаже, утренюющих Ти души любовью озари, молюся, Тя ведети Слове Божий, истиннаго Бога, от мрака греховнаго взывающа.

**Слава, Господи, Святому Воскресению Твоему.**

Уступают мне Херувими ныне, и пламенное оружие, Владыко, плещи мне дает, Тя видевше, Слове Божий, истиннаго Бога, разбойнику путь сотворшаго в рай.

**Слава, Господи, Святому Воскресению Твоему.**

Не ктому боюся, еже в землю, Владыко Христе, возвращения: Ты бо от земли мя возвел еси забвенна, благоутробия ради многаго, к высоте нетления Воскресением Твоим.

**Пресвятая Богородице, спаси нас.**

Иже Богородицу Тя от души, Владычице мира Благая, исповедающих спаси: Тебе бо предстательство непоборимое имама, истинную Богородительницу.

### Ин канон

**Слава, Господи, Кресту Твоему Честному и Воскресению.**

Снедию древа во Едеме прельстивыйся в тлю поползе родоначальник, преслушавый, Господи, заповеди Твоя, Преплагий: но сего Крестом паки возвел еси в первую доброту, послушлив Отцу, Спасе, бывый.

**Слава, Господи, Кресту Твоему Честному и Воскресению.**

Твоею смертью, Блаже, смерти потребися держава, источник жизни нам источи, и бессмертие даровася: сего ради погребению Твоему и Воскресению верою поклоняемся, имже яко Бог мир весь просветил еси.

**Пресвятая Богородице, спаси нас.**

Живый на Небесех и Творец всех Господь, во Твою, Всенепорочная, вселися неизреченно утробу, прославивый Тя, Превышшую Небес, и Святейшую чинов невестественных: темже ныне иже на земли Тя ублажаем.

### Ин канон

**Пресвятая Богородице, спаси нас.**

Чистотою возсиявши светло Божественное пребывание Владыки, Всепетая, была еси. Ты бо едина Мати Божия явилася еси, во объятиих яко Младенца сего носивши.

Слава: Носящи доброту умную, краснейшия Твоя души, невеста Божия была еси, запечатствована девством, Чистая, и светом чистоты мир просвещающи.

И ныне: Да рыдает собрание злочестивых, не проповедающих Тя яве Чистую Богоматерь: Ты бо врата Божия света явилася еси нам, мрак прегрешений разгоняющи.

*Катавасия:* Ужасошася всяческая о Божественной славе Твоей: Ты бо, неискусобрачная Дево, имела еси во утробе над всеми Бога, и родила еси безлетнаго Сына, всем воспевающим Тя мир подавающая.

## Песнь 6

*Ирмос:* Житейское море воздвигаемое зря напастей бурю, к тихому пристанищу Твоему притек, вопию Ти: возведи от тли живот мой, Многомилостиве.

**Слава, Господи, Святому Воскресению Твоему.**

Распинаемь Владыко, гвоздьми убо клятву юже на нас потребил еси: копием же прободаемь в ребро, Адамово рукописание растерзав, мир свободил еси.

**Слава, Господи, Святому Воскресению Твоему.**

Адам низведесе, лестию запят быв, во адове пропасти: но иже естеством. Бог же и Милостив, сшел еси на взыскание, и на раму понес, совоскресил еси.

**Пресвятая Богородице, спаси нас.**

Пречистая Владычице, рождающая человеком кормчию Господа, страстей моих непостоянное и лютое утоли смущение, и тишину подаждь сердцу моему.

### Ин канон

**Слава, Господи, Кресту Твоему Честному и Воскресению.**

Христубийца и пророкоубийца бысть еврейское множество, яко бо пророки древле истины сущия тайныя лучи, убити не убося; сице и ныне Господа, Егоже проповедаху они тогда, завистию влекоми убиша, но нам бысть живот умерщвление Его.

**Слава, Господи, Кресту Твоему Честному и Воскресению.**

Ят был еси, но не удержан, Спасе, во гробе, аще бо и волею вкусил еси смерти, Слове, но воскресл еси яко Бог Безсмертен, совоздвигнувый узники сущия во аде, и радость женам вместо печали прежняя, паки пременивый.

**Пресвятая Богородице, спаси нас.**

Безчестен Твой и скуден явися вид плотский паче человеков, во время страсти: ибо Божества существом, красен добротой Давиду показася: но жезлом Твоего Царствия врагов сотрый крепость, глаголаше, Чистая: о Сыне Мой и Боже, от гроба востани.

### Ин канон

**Пресвятая Богородице, спаси нас.**

Великий преднаписа во пророцех Моисей Тя, ковчег, и трапезу, и свещник, и ручку, образно назнаменуя воплощение, еже из Тебе Вышняго, Мати Дево. *(Дважды.)*

Слава: Умерщвляется смерть, и тление упражняется Адамова осуждения, о Владычице! Плоду Твоему приразившееся: жизнь бо родила еси, от истления избавляющую поющих Тя.

И ныне: Закон изнеможе, и сень мимо иде, паче ума и смысла явльшейся ми благодати, еже от Тебе, Дево, Рождества, Бога и Спаса, Многопетая.

*Катавасия:* Божественное сие и всечестное совершающе празднество, богомудрии, Богоматере, приидите руками восплецим, от Нея рождагося Бога славим.

Господи, помилуй. *(Трижды.)*

Слава, и ныне:

### Кондак, глас 6

Живоначальною дланию, умершия от мрачных удолий, Жизнодавец, воскресив всех Христос Бог, воскресение подаде человеческому роду: есть бо всех Спаситель, Воскресение и Живот, и Бог всех.

*Икос:*<sup>1</sup> Крест и погребение Твое, Жизнодавче, воспеваем вернии, и поклоняемся, яко ад связал еси, Безсмертне, яко Бог Всесильный, и мертвья совоскресил еси, и врата смертная сокрушил еси, и державу адову низложил еси, яко Бог. Темже земнороднии славословим Тя любовью, Воскресшаго, и низложившаго вражию державу всепагубную, и всех воскресившаго в Тя веровавших, и мир избавльшаго от стрел змиинных, и от прелести вражия, яко Бог всех.

## Песнь 7

*Ирмос:* Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси, Боже отец наших.

**Слава, Господи, Святому Воскресению Твоему.**

Рыдающее во страсти Твоей Солнце, во мрак облечеса, и во дни по всей, Владыко, земли свет померче, вопия: благословен еси, Боже отец наших.

**Слава, Господи, Святому Воскресению Твоему.**

Облекошася, Христе, схождением Твоим во свет преисподняя, праотец же веселия исполнь явися ликовствуя, възграся вопия: благословен еси, Боже отец наших.

**Пресвятая Богородице, спаси нас.**

Тобою, Мати Дево, свет возсия всей вселенней светлый: Зиждителя бо Ты всех родила еси Бога. Егоже проси, Всечистая, нам низпослати верным велию милость.

## Ин канон

**Слава, Господи, Кресту Твоему Честному и Воскресению.**

О страннаго образа! Израиля избавлей от работы фараонския, распинается волею от него, и разрешает вериги согрешений. Емуже верою поем: Избавителю Боже, благословен еси.

**Слава, Господи, Кресту Твоему Честному и Воскресению.**

Тебе, Спаса, на лобнем распяша пребеззаконных отроцы нечестивии, врата медная и верей сломившаго, во спасение нас поющих: Избавителю Боже, благословен еси.

**Пресвятая Богородице, спаси нас.**

Евы древняя свобождение рождшая от клятвы, разрешаеши Адама, Дево Чистая. Темже со Ангелы Тя, с Сыном Твоим поем и вопием: Избавителю Боже, благословен еси.

## Ин канон

**Пресвятая Богородице, спаси нас.**

Юнош триех пещь не опали, Рождество прообразующих Твое: Божественный бо огонь Тебе не опалив, вселися в Тя, и вся научи вопити: благословен еси, Боже отец наших.

**Пресвятая Богородице, спаси нас.**

Блажат концы Тя, Всечистая Мати, якоже прорекла еси, просвещаемы светолучными сияньми Твоими, и благодатию поюще, вопиют: благословен еси, Боже отец наших.

---

<sup>1</sup> ИКОС – пространная священная песнь в похвалу Господа, Богородицы или святых. Икос всегда читается после кондака.



Слава: Пагубная убо зубы в мя вонзе змий лукавнейший: но Сам Твой, Богомати, сокруши Сын, крепость же мне даде вопити: благословен еси, Боже отец наших.

И ныне: Очистилице естества Ты еси едина, Богоблаженная, на раму бо херувимску сидящаго Бога во объятиих носящи вопиеша: благословен еси, Боже отец наших.

*Катавасия:* Не послужиша твари богомудрии паче Создавшаго, но огненное прещение мужески поправше, радовахуся поюще: препетый отцев Господь и Бог, благословен еси.

## Песнь 8

*Ирмос:* Из пламене преподобным росу источил еси, и праведнаго жертву водою попалил еси: вся бо твориши, Христе, токмо еже хотети, Тя превозносим во вся веки.

**Слава, Господи, Святому. Воскресению Твоему.**

Иудейския древле пророкоубийцы люди, Богоубийцы зависть ныне содела, Тебе на Крест вознесшия, Слове Божий, Егоже превозносим во вся веки.

**Слава, Господи, Святому Воскресению Твоему.**

Небеснаго круга не оставил еси, и во ад сошед, всего совоздвигл еси лежащаго во гноищи, Христе, человека, Тя превозносяща во вся веки.

**Пресвятая Богородице, спаси нас.**

От света Светодавца Слова зачала еси, и рождши неизреченно Сего, прославилася еси: Дух бо в Тя, Отроковице, Божий вселися. Темже Тя поем во вся веки.

## Ин канон

**Слава, Господи, Кресту Твоему Честному и Воскресению.**

Ужасеся всяк слух, како Вышний волею прииде на землю, адову крепость разрушити Крестом и погребением, и вся воздвигнути звати: отроцы благословите, священницы воспойте, людие превозносите во вся веки.

**Слава, Господи, Кресту Твоему Честному и Воскресению.**

Преста адово мучительство, и царство уничижися прочее, на Кресте бо на земли водрузився, иже над всеми Бог, сего могущество низложи. Егоже отроцы благословите, священницы воспойте, людие превозносите во вся веки.

**Пресвятая Богородице, спаси нас.**

О неизреченнаго Твоего, Христе, человеколюбия, и неизглагольных благ! Мене бо видя погибающа во адове темнице, страсти претерпевый избавил еси. Темже Тя благословим, всех Владыку, и превозносим во вся веки.

## Ин канон

**Пресвятая Богородице, спаси нас.**

Позлащеною ризою якоже царицу Сын Твой просветив зарею Духа, Тебе одесную Себе постави, Пречистая, Егоже превозносим во вся веки.

**Пресвятая Богородице, спаси нас.**

Иже хотением единым мир водрузивый, от пречистыя Твоя утробы плоть вземлет, свыше сию наздати хотя, Егоже превозносим во вся веки.

**Благословим Отца и Сына и Святаго Духа, Господа.**

Счетанием Слова ко мне, человеку, Божественное жилище была еси, Пречистая, просиявши яве девства светлостью, темже Тя поем во вся веки.

И ныне: Златозарный Тя свещник предвообрази, приемшую несказанно свет неприступный, разумом Своим озаряющ всяческая. Темже Тя поем, Чистая, во веки.

Хвалим, благословим, поклоняемся Господеви, поюще и превозносяще во вся веки. *(Поклон.)*

*Катавасия:* Отроки благочестивыя в пещи Рождество Богородичо спасло есть: тогда убо образуемое, ныне же действующее, вселенную всю воздвизает пети Тебе: Господа пойте дела, и превозносите Его во вся веки.

### Песнь Пресвятыя Богородицы

Величит душа Моя Господа, и возрадовася дух Мой о Бозе Спасе Моем.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем. *(Поклон.)*

Яко призре на смирение рабы Своея, се бо от ныне ублажат Мя вси роди.

Честнейшую... *(Поклон.)*

Яко сотвори Мне величие Сильный, и свято имя Его, и милость Его в роды родов боящимся Его.

Честнейшую... *(Поклон.)*

Сотвори державу мышцею Своею, расточи гордыя мыслию сердца их.

Честнейшую... *(Поклон.)*

Низложи сильныя со престол, и вознесе смиренныя; алчущия исполни благ, и богатящиеся отпусти тщи.

Честнейшую... *(Поклон.)*

Восприят Израиля отрока Своего, помянути милости, якоже глагола ко отцем нашим, Аврааму и семени его, даже до века.

Честнейшую... *(Поклон.)*

### Песнь 9

*Ирмос:* Бога человеком невозможно видети, на Негоже не смеют чини Ангельстии взирати; Тобою же, Всечистая, явися человеком Слово воплощено, Егоже величающе, с небесными вои Тя ублажаем.

**Слава, Господи, Святому Воскресению Твоему. *(Поклон.)***

Страстей непричастен Ты пребыл еси, Слове Божий, плотию приобщився страстем, но решиши от страстей человека, страстем быв, Спасе наш, Един бо еси Безстрастен, и Всесилен.

**Слава, Господи, Святому Воскресению Твоему.**

Тлю смертную прием, тления соблюл еси тело Твое невкусно, Твоя же животворящая и Божественная, Владыко, душа, во аде не оставлена бысть, но якоже от сна воскрес, нас совоздвигл еси.

**Пресвятая Троице, Боже наш, слава Тебе.**

Бога Отца, Сына Собезначальна, вси человецы устнами убо чистыми славим, неизреченную же и преславную Духа Всесвятаго силу чтим: Едина бо еси Всесильна Троица неразлучная.

## Ин канон

**Слава, Господи, Кресту Твоему Честному и Воскресению. (Поклон.)**

Аще и во гроб сошел еси яко мертв, Жизнодавче, но адову крепость разрушил еси, Христе, совоздвигнув мертвыя, яже и поглоти, и воскресение всем подал еси, яко Бог, верою и любовию Тя величающим.

**Слава, Господи, Кресту Твоему Честному и Воскресению.**

Да радуется тварь, и да процветет яко крин: Христос бо от мертвых воста яко Бог. Где твое, смерти, ныне жало, воззовем? Где твоя, аде, победа? Низложи тя в землю, возвысивый рог наш, яко Благоутробен.

**Пресвятая Богородице, спаси нас.**

Носиши Носящаго вся, и держиши яко младенца в руках, из руки избавляющего нас Борителя врага, Пречистая Владычице, и видиши на Крест древа возвышаема, от рова злобы нас возвысивша.

## Ин канон

**Пресвятая Богородице, спаси нас. (Поклон.)**

Звезда сияющи зарями Божества от Иакова, от мрака содержимым возсия: Тобою бо, Всечистая, Христос Бог Слово воплощенно, Имже просвещаемы, с Небесными вои Тя ублажаем.

**Пресвятая Богородице, спаси нас.**

Укреплься силою Твоею и благодатию, Тебе песнь усердно от сердца возложих: но сию приими, Дево Чистая, благодать воздающи Твою многосветлую, от нетленных сокровищ, Богоблаженная.

Слава: Постав показалася еси яве Божества, в Немже ризу телесе Слово истка, Богосоделав мой, Дево, зрак: в Негоже облекся всех Спасе, от смысла чиста Тебе величающих.

И ныне: Мертвым воскресение ныне даровася, Твоим несказанным и неизреченным Рождеством, Богородице Всечистая: Жизнь бо из Тебе плотию облекшися, всем возсия, и смертную дряхлость яве разруши.

*Катавасия:* Всяк земнородный да взыграется, духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, Всеблаженная, Богородице Чистая Приснодево.

Господи, помилуй. (Трижды.)

Слава, и ныне:

Свят Господь Бог наш.

*Прпев:* Свят Господь Бог наш.

Яко свят Господь Бог наш.

*Прпев:* Свят Господь Бог наш.

Над всеми людьми Бог наш.

*Прпев:* Свят Господь Бог наш.

## Ексапостиларий<sup>1</sup>, глас 6

Показуя, яко человек еси, Спасе, по существу, посреде став воскрес от гроба, и

---

<sup>1</sup> ЕКСАПОСТИЛАРИЙ (с греч. – высылаю) тропарь, читаемый в воскресный или праздничный день на утрени, после канона. Прославляет послание апостолов на проповедь, тесно связан с содержанием утреннего Евангелия.

брашна сопричастился еси, учил еси Крещению покаяния. Абие же к Небесному вознеслся еси Отцу, и учеником Утешителя послати обещал еси, Пребожественный Богочеловече, слава Твоему востанию.

Слава, и ныне: Творец создания и Бог всех, плоть человеческую прият от пречистых кровей Твоих, Всесвятая Дево, и истлевшее мое все естество новосодела, паки якоже прежде рождества оставль по рождестве. Темже Тя верно вси восхваляем, зовуще: радуйся, Владычице мира.

### Хвалитные псалмы<sup>1</sup>

Всякое дыхание да хвалит Господа. Хвалите Господа с Небес, хвалите Его в вышних. Тебе подобает песнь Богу.

Хвалите Его вси Ангели Его, хвалите Его вся силы Его. Тебе подобает песнь Богу.

Хвалите Его, солнце и луна: хвалите Его, вся звезды и свет. Хвалите Его, Небеса небес и вода, яже превыше небес. Да восхвалят имя Господне: яко Той рече, и быша; Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны: огонь, град, снег, голоть, дух бурен, творящая слово Его; горы и вси холми, древа плодоносна и вси кедр; зверие и вси скоти, гади и птицы пернаты; царие земстии и вси людие, князи и вси судии земстии; юноши и девы, старцы с юнотами. Да восхвалят имя Господне, яко вознесся имя Того Единого, исповедание Его на земли и на небеси. И вознесет рог людей Своих: песнь всем преподобным Его, сыновом Израилевым, людем, приближающимся Ему.

Воспойте Господеву песнь нову, хваление Его в церкви преподобных. Да возвеселится Израиль о сотворшем Его, и сынове Сиони возрадуются о Цари своем. Да восхвалят имя Его в лице, в тимпане и псалтири да поют Ему. Яко благоволит Господь в людех Своих, и вознесет кроткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати цари их путы, и славныя их ручными оковы железными.

### Стихиры на хвалитех, глас 6

*Стих:* Сотворите в них суд написан; слава сия будет всем преподобным Его.

Крест Твой, Господи, жизнь и воскресение людем Твоим есть, и надеющися Нань, Тебе, воскресшаго Бога нашего, поем: помилуй нас.

*Стих:* Хвалите Бога во святых Его, хвалите Его во утверждении силы Его.

Погребение Твое, Владыко, рай отверзе роду человеческому, и от истления избавльшеся, Тебе, воскресшаго Бога нашего поем: помилуй нас.

*Стих:* Хвалите Его на силах Его, хвалите Его по множеству величества Его.

Со Отцем и Духом Христа воспоим, воскресшаго из мертвых, и к Нему вопиим: Ты Живот еси наш, и Воскресение, помилуй нас.

*Стих:* Хвалите Его во гласе трубнем, хвалите Его во псалтири и гуслех.

Тридневен воскресл еси, Христе, от гроба, якоже писано есть, совоздвигнувый праотца нашего. Темже Тя и славит род человеческий, и воспеваает Твое Воскресение.

*Стих:* Хвалите Его в тимпане и лице, хвалите Его во струнах и органе.

Господи, велие и страшно есть Твоего Воскресения Таинство: тако бо произшел еси от гроба, яко Жених от чертога, смертью смерть разрушивый, да Адама свободиши. Темже на Небесех Ангели ликовствуют, и на земли человецы славят, еже на нас бывшее Благоутробие Твое, Человеколюбче.

---

<sup>1</sup> Или ХВАЛИТНЫ так именуются псалмы 148, 149 и 150 по частому в них повторению слова «хвалите». В них содержится славословие и хвала Богу от всей твари.

*Стих:* Хвалите Его в кимвалех dobroгласных, хвалите Его в кимвалех восклицания. Всякое дыхание да хвалит Господа.

О пребеззаконии иудее, где суть печати и сребреницы, яже дасте воином; не украдено бысть сокровище, но воскресе яко силен: сами же посрамитесь отвергшиися Христа Господа славы, пострадавша и погребенна, и воскресша из мертвых: Тому поклонимся.

*Стих:* Воскресни, Господи Боже мой, да вознесется рука Твоя, не забуди убогих Твоих до конца.

Запечатану гробу, како окрадени бысте иудее, стражи поставльше, и знамения положше, дверем заключенным пройде Царь; или яко мертва представите, или яко Богу поклонитесь, с нами поюще: слава, Господи, Кресту Твоему, и Воскресению Твоему.

*Стих:* Исповемся Тебе, Господи, всем сердцем моим, повем вся чудеса Твоя.

Живоприятнаго Твоего гроба, мирносицы жены рыдающа, достигнуша Господи, и мира носяща, Тело Твое Пречистое помазати искаху: обретоша же светоносна Ангела на камени сидяща, и к ним вещающа, и глаголюща: что слезите, из ребр источившаго жизнь мирови? Что ищете яко мертва во гробе Безсмертнаго? Текша же паче возвестите Того учеником, славнаго Его Воскресения всемирное радование, имже и нас, Спасе, просветивый, даруй очищение и велию милость.

### Евангельская стихира<sup>1</sup>, глас 6

Слава: Истинный мир Ты, Христе, к человеком Божий мир Твой дая, по востании учеником, пристрашны показал еси я, мнящия дух видети, но утишил еси мятеж души их, показавый руце и нозе Твои. Обаче не верующим еще, брашен причащением, и учений воспоминанием, отверзл еси их ум, еже разумети писания, имже и отеческое обетование обещав, и благословив я, отступил еси на небо. Темже с ними поклоняемся Тебе, Господи, слава Тебе.

И ныне, *глас 2:* Преблагословенна еси, Богородице Дево, Воплощшим бо ся из Тебе ад пленися, Адам возвася, клятва потребися, Ева свободися, смерть умертвися, и мы ожихом. Тем воспевающе вопием: благословен Христос Бог, благоволивый тако, слава Тебе.

### Славословие великое<sup>2</sup>

Слава Тебе, Показавшему нам свет.

Слава в вышних Богу, и на земли мир, в человецех благоволение. Хвалим Тя, благословим Тя (*поклон*), кланяем Ти ся, славословим Тя (*поклон*), благодарим Тя, великия ради славы Твоея (*поклон*). Господи Царю Небесный, Боже Отче Вседержителю, Господи, Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, вземляй грех мира, помилуй нас; вземляй грехи мира, приими молитву нашу; седяи одесную Отца, помилуй нас. Яко Ты еси един Свят, Ты еси един Господь, Иисус Христос, во славу Бога Отца, аминь. На всяк день благословлю Тя, и восхваляю имя Твое во веки, и в век века. Сподоби, Господи, в день сей без греха сохранитися нам. Благословен еси, Господи, Боже отец наших, и хвально и прославлено имя Твое во веки, аминь. Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. (*Трижды.*) Господи,

<sup>1</sup> Напоминает содержание прочитанного Евангелия.

<sup>2</sup> СЛАВОСЛОВИЕ ВЕЛИКОЕ «...издревле составлено отцами... и всякому верному надобно поучаться в нем и знать его, и воссылать его к Богу всякий День, утром и вечером». Начинается оно со славословия Ангелов при Рождестве Христове.

прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Святой Боже, Святой Крепкий, Святой Безсмертный, помилуй нас. (*Трижды без поклонов.*)

Слава, и ныне: Святой Безсмертный, помилуй нас.

Святой Боже, Святой Крепкий, Святой Безсмертный, помилуй нас.

### Тропари воскресные по славословию великом

*Если глас 1, 3, 5, 7*<sup>1</sup>: Днесь спасение миру бысть, поем Воскресшему из гроба, и Начальнику жизни наша: разрушив бо смертью смерть, победу даде нам и велию милость.

*Если глас 2, 4, 6, 8*: Воскрес из гроба и узы растерзал еси ада, разрушил еси осуждение смерти, Господи, вся от сетей врага избавивый; явивый же Себе апостолом Твоим, послал еси я на проповедь, и теми мир Твой подал еси вселенней, едине Многомилостиве.

Господи, помилуй (*40 раз, с тремя поклонами в начале*). Слава, и ныне:

Господи, помилуй (*12 раз*).

Слава, и ныне:

## ОКОНЧАНИЕ УТРЕНИ

Утверди, Боже, святую православную веру, православных христиан во век века.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем. (*Поклон.*)

Слава (*поклон*), и ныне: (*поклон*). Господи, помилуй. (*Трижды.*) Господи, благослови. (*Поклон.*)

Воскресый из мертвых, Господи Иисусе Христе Сыне Божий, молитвами Пречистыя Твоея Матере, святых славных и всехвальных апостол, преподобных и богоносных отец наших, святого (*празднуемого в этот день*) и всех святых помилуй и спаси нас, яко Благ и Человеколюбец.

Аминь.

## Многолетие

Великаго Господина и Отца нашего (*имярек*), Святейшего Патриарха Московскаго и всея Руси [и господина нашего (высоко)преосвященнейшаго (*имярек*), митрополита *или* (архи)епископа (*титул*)], отцев наших духовных и вся православныя христианы, Господи, сохрани их на многая лета.

## ЧАС ПЕРВЫЙ<sup>2</sup>

Приидите, поклонимся Цареву нашему Богу. (*Поклон.*)

Приидите, поклонимся и припадем Христу, Цареву нашему Богу. (*Поклон.*)

Приидите, поклонимся и припадем Самому Христу, Цареву и Богу нашему. (*Поклон.*)

<sup>1</sup> См. Церковный календарь.

<sup>2</sup> ЧАС ПЕРВЫЙ – славословие первого часа соединяется с утреней, так как им начинается день и он приносится вместе с утренею как дар и жертва хваления Господу. «Читаются три псалма в честь Троицы, изреченные некогда Давидом поутру, содержащие благодарение Богу и молитву о том, чтобы пришел на нас Его Божественный свет, чтобы наши дела были благопоспешны, и мы оставили всякое зло, исполнились же всякого добра».

## Псалом 5.

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси; не приселится к Тебе лукавнуяй, ниже пребудут беззаконницы пред очима Твоима. Возненавидел еси вся делающия беззаконие, погубиши вся глаголющия лжу; мужа кровей и льстива гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих; по множеству нечестия их изрини я, яко преогорчиша Тя, Господи. И да возвеселятся вси уповаующии на Тя, во век возрадуются, и вселишися в них; и похвалятся о Тебе любящии имя Твое. Яко Ты благословиши праведника, Господи, яко оружием благоволения венчал еси нас.

## Псалом 89.

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечестии. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут: утро яко трава мимоидет, утро процветет и преидет, на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою; век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьдесят лет, и множае их труд и болезнь; яко прииде кротость на ны, и накажемся. Кто весть державу гнева Твоего, и от страха Твоего ярость Твою исчести? Десницу Твою тако скажи ми, и окованная сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся. Во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

## Псалом 100.

Милость и суд воспою Тебе, Господи. Пою и разумею в пути непорочне, когда приидеши ко мне? Прехождах в незлобии сердца моего посреде дому моего. Не предлагал пред очима моима вещь законопреступную, творящая преступление возненавидех. Не прильпе мне сердце строптиво, уклоняющагося от мене лукаваго не познах, оклеветающаго тай искренняго своего, сего изгоняю; гордым оком, и несытым сердцем, с сим не ядах. Очи мои на верная земли, посаждати я со мною; ходяй по пути непорочну, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешная земли, еже потребити от града Господня вся делающия беззаконие.

Слава, и ныне:

Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

## Тропарь воскресный, глас 6

Слава: Ангельския силы на гробе Твоем, и стрегущия омертвеша, и стояше Мария во гробе ищущи Пречистаго Тела Твоего. Пленил еси ад, не искусився от него; сретил еси Деву, даруяй живот. Воскресый из мертвых, Господи, слава Тебе.

И ныне: Что Тя наречем, о Благодатная? Небо, яко возсияла еси Солнце правды; рай, яко прозябла еси цвет нетления; Деву, яко пребыла еси нетленна; Чистую Матерь, яко имела еси на святых Твоих объятиях Сына, всех Бога, Того моли спастися душам нашим.

Стопы моя направи по словеси Твоему, и да не обладает мною всякое беззаконие. Избави мя от клеветы человеческия, и сохранию заповеди Твоя. Лице Твое просвети на раба Твоего, и научи мя оправданием Твоим.

Да исполнятся уста моя хваления Твоего, Господи, яко да воспую славу Твою, весь день великолепие Твое.

Трисвятое. Пресвятая Троице: Отче наш:

## Кондак воскресный, глас 6

Живонаначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Воскресение и Живот, и Бог всех.

Господи, помилуй. (40 раз).

## Молитва свт. Василия Великого

Иже на всякое время, и на всякий час, на Небеси и на земли покланяемый и славимый, Христе Боже, долготерпеливе, многомилостиве, многоблагодарне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, приими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды.)

Слава, и ныне:

Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем. (Поклон.)

Именем Господним благослови, отче.

Молитвами святых отец наших, Господи Иисусе Христе Боже наш, помилуй нас. Аминь.

## Молитва

Христе, Свете истинный, просвещающий и освящающий всякого человека, грядущаго в мир, да знаменается на нас свет лица Твоего, да в нем узрим свет неприступный; и исправи стопы наша к деланию заповедей Твоих, молитвами Пречистыя Твоея Матере, и всех Твоих святых. Аминь.

Взбранной Воеводе победительная, яко избавльшеся от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Слава, и ныне: Господи, помилуй. (Трижды.) Господи, благослови.



Воскресый из мертвых, Господи, Иисусе Христе Сыне Божий, молитвами Пречистыя Твоея Матери, преподобных и богоносных отец наших и всех святых помилуй и спаси нас, яко благ и Человеколюбец. Аминь.

Господи, помилуй. (*Трижды.*)



# ЧАСЫ<sup>1</sup> И ИЗОБРАЗИТЕЛЬНЫ<sup>2</sup> (ОБЕДНИЦА)

## ЧАС ТРЕТИЙ<sup>3</sup>

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Трижды с поклонами.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава, и ныне:

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго<sup>4</sup>.

Господи, помилуй. *(12 раз.)*

Слава, и ныне:

Приидите, поклонимся Цареве нашему Богу. *(Поклон.)*

Приидите, поклонимся и припадем Христу, Цареве нашему Богу. *(Поклон.)*

Приидите, поклонимся и припадем Самому Христу, Цареве и Богу нашему. *(Поклон.)*

## Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретется во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаяй уповающия на Тя от противящихся деснице Твоей. Сохрани мя, Господи, яко зеницу ока; в крове крилу Твоею покрыеши мя, от лица нечестивых острастших мя. Врази мои душу мою одержаша, тук свой затвориша, уста их глаголаша гордыню. Изгоняции мя ныне обыдоша мя, очи свои возложиша уклонити на землю. Объяша мя яко лев готов на

<sup>1</sup> ЧАСЫ – так называются молитвословия, состоящие из трех псалмов, нескольких стихов и молитв, соответствующие каждой четверти дня и творимые в воспоминание крестных страданий Господа нашего Иисуса Христа.

<sup>2</sup> ИЗОБРАЗИТЕЛЬНЫ – богослужение, совершаемое вместо литургии, когда, по церковному Уставу, Литургии быть не положено, также и на келейной молитве. Название изобразительны дано сему последованию потому, что оно есть изображение, т.е. некоторое подобие, или образ Божественной литургии. Литургию называют также обедней, а изобразительны – обедницей.

<sup>3</sup> ЧАС ТРЕТИЙ – это славословие совершалось по прошествии первой четверти дня. В час третий иудеи обвинили Спасителя и решили убить Его. В третий же час Святой Дух сошел на апостолов. В псалмах третьего часа говорится о коварстве иудеев и их замысле против Христа, а в последнем из них, 50-м, – о сошествии Божественного Духа.

<sup>4</sup> По обычаю, после «Отче наш» миряне вместо священнического возгласа «Яко Твое есть Царство...» произносят Иисусову молитву: «Господи Иисусе Христе Сыне Божий, помилуй нас. Аминь.»

лов и яко скимен обитаяй в тайных. Воскресни, Господи, предвари я и запни им; избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их. Насытишася сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоей.

### Псалом 24.

К Тебе, Господи, воздвигох душу мою. Боже мой, на Тя уповах, да не постыжуся во век, ниже да посмеют ми ся врази мои. Ибо вси терпящии Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя; яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни; по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путем Своим. Все путие Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюхся мне, яко потерпех Тя, Господи. Избави, Боже, Израиля от всех скорбей его.

### Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавое пред Тобою сотворих, яко да оправдишися во словесех Твоих и победиши, вегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы

Слава, и ныне: Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

## Тропарь воскресный, глас 6

Слава: Ангельския силы на гробе Твоем, и стрегущия омертвеша, и стояше Мария во гробе ищущи Пречистаго Тела Твоего. Пленил еси ад, не искусився от него; сретил еси Деву, даруяй живот. Воскресый из мертвых, Господи, слава Тебе.

И ныне: Богородице, Ты еси лоза истинная, возрастившая нам Плод живота, Тебе молимся, молися, Владычице, со святыми апостолами, помилувати души наша.

Господь Бог благословен, благословен Господь день дне, поспешит нам Бог спасений наших; Бог наш, Бог спасати.

Трисвятое. Пресвятая Троице: Отче наш:

## Кондак воскресный, глас 6

Живоначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Воскресение и Живот, и Бог всех.

Господи, помилуй. (40 раз).

## Молитва свт. Василия Великого

Иже на всякое время, и на всякий час, на Небеси и на земли покланяемый и славимый, Христе Боже, долготерпеливе, многомилостиве, многоблагодетелю, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, прими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. (Трижды.)

Слава, и ныне:

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. (Поклон.)

Молитвами святых отец наших, Господи Иисусе Христе Боже наш, помилуй нас. Аминь.

## Молитва св. Мардария:

Владыко Боже Отче Вседержителю, Господи Сыне Единородный Иисусе Христе, и Святой Душе, едино Божество, едина сила, помилуй мя грешнаго, и имиже веси судьбами, спаси мя, недостойнаго раба Твоего; яко благословен еси во веки веков. Аминь.

## ЧАС ШЕСТЫЙ<sup>1</sup>

Приидите, поклонимся, Цареве нашему Богу. (Поклон.)

Приидите, поклонимся и припадем Христу, Цареве нашему Богу. (Поклон.)

Приидите, поклонимся и припадем Самому Христу, Цареве и Богу нашему.

---

<sup>1</sup> Прошла еще четверть дня, ЧАС ШЕСТОЙ – это середина дня. В этот час Господь наш Иисус Христос был распят на Кресте. «Псалмы шестого часа указывают на восстание иудеев, их покушение на жизнь Господа и происки о том, чтобы умертвить Его, на их оскорбления Ему – насмешки и ругательства, на их ярость и гнев, на бывшее землетрясение, мрак, покрывший тогда землю, и прочее, – так как иудеи распяли Господа в шестом часу».

*(Поклон.)*

## Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложиша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо. Яко от всякия печали избавил мя еси, и на враги моя воззре око мое.

## Псалом 54

Внуши, Боже, молитву мою и не презри моления моего. Вонми ми и услыши мя; возскорбех печалию моею и смятохся от гласа вражия и от стужения грешнича. Яко уклониша на мя беззаконие и во гневе враждоваху ми. Сердце мое смятется во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их, яко видех беззаконие и пререкание во граде. Днем и нощию обыдет и по стенам его; беззаконие и труд посреде его и неправда; и не оскуде от стогн его лихва и лесь. Яко аще бы враг поносил ми, претерпел бых убо; и аще бы ненавидяй мя на мя велеречевал, укрыл бых ся от него. Ты же, человеце равнодушне, владыко мой и знаемый мой; иже купно наслаждался еси со мною брашен, в дому Божии ходихом единомышлением. Да приидет же смерть на ня, и да снидут во ад живи; яко лукавство в жилищах их, посреде их. Аз к Богу воззвах, и Господь услыша мя. Вечер и заутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их; умякнуша словеса их паче елея, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же, Боже, низведеши я в студенец истления; мужие кровей и льсти не преполовят дней своих. Аз же, Господи, уповаю на Тя.

## Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словесе мятежна. Плещма Своима осенит тя, и под криле Его надеешися; оружием обыдет тя истина Его, не убоишися от страха ношнаго, от стрелы летящия во дни, от вещи во тьме преходящая, от сряща, и беса полуденнаго. Падет от страны Твоя тысяща, и тьма одесную Тебе, к Тебе же не приблизится. Обаче очима Твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище Твое. Не приидет к Тебе зло, и рана не приблизится телеси Твоему. Яко Ангелом Своим заповесть о Тебе, сохранити тя во всех путех твоих. На руках возмут тя, да не когда преткнеши о камень ногу твою. На аспида и василиска наступиши, и попереши льва и змия. Яко на Мя упова, и избавлю и; покрыю и, яко позна имя Мое. Воззовет ко Мне, и услышу его; с ним есмь в скорби, изму его, и прославлю его, долготою дний исполню его, и явлю ему спасение Мое.

Слава, и ныне: Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

## Тропарь воскресный, глас 6

Слава: Ангельския силы на гробе Твоем, и стрегущия омертвеша, и стояше Мария во гробе ищущи Пречистаго Тела Твоего. Пленил еси ад, не искусився от него; сретил еси Деву, даруяй живот. Воскресый из мертвых, Господи, слава Тебе.

И ныне: Яко не имамы дерзновения за премногия грехи наша, Ты иже от Тебе рождагояся моли, Богородице Дево: много бо может моление матернее ко благосердию Владыки; не презри грешных мольбы, Всечистая, яко Милостив есть, и спасти могий, иже и страдати о нас изволивый.

Скоро да предварят ны щедроты Твоя, Господи, яко обнищавом зело; помози нам, Боже Спасе наш, славы ради имене Твоего, Господи, избави нас, и очисти грехи наша, имене ради Твоего.

Трисвятое. Пресвятая Троице: Отче наш:

## Кондак воскресный, глас 6

Живонаначально дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Вокресение и Живот, и Бог всех.

Господи, помилуй. (40 раз).

## Молитва свт. Василия Великого

Иже на всякое время, и на всякий час, на Небеси и на земли покланяемый и славимый, Христе Боже, долготерпеливе, многомилостиве, многоблагоутробне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, приими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоя славы, яко благословен еси во веки веков, аминь.

Господи, помилуй. (Трижды.)

Слава, и ныне:

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. (Поклон.)

Именем Господним благослови, отче.

Молитвами святых отец наших, Господи Иисусе Христе Боже наш, помилуй нас. Аминь.

## Молитва свт. Василия Великого

Боже и Господи сил, и всея твари Содетелю, иже за милосердие безприкладныя милости Твоя Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы; Сам, Владыко Человеколюбче, приими и нас грешных благодарственная сия и молебныя молитвы, и избави нас от всякаго всегубительнаго и мрачнаго прегрешения, и всех озлобити нас ищущих, видимых и невидимых враг. Пригвозди страху Твоему плоти наша, и не уклони сердец наших в словеса или помышления лукавствия; но любовь Твоею уязви души наша, да к Тебе всегда взирающе, и еже от Тебе

светом наставляеми, Тебе неприступнаго и присносущнаго зряще света, непрестанное Тебе исповедание и благодарение возсылаем, Безначальному Отцу со Единородным Твоим Сыном, и Всесвятым, и Благим, и Животворящим Твоим духом, ныне и присно и во веки веков. Аминь.

## ЧАС ДЕВЯТЫЙ<sup>1</sup>

Приидите, поклонимся, Цареве нашему Богу. *(Поклон.)*

Приидите, поклонимся и припадем Христу, Цареве нашему Богу. *(Поклон.)*

Приидите, поклонимся и припадем Самому Христу, Цареве и Богу нашему. *(Поклон.)*

### Псалом 83

Коль возлюбленна селения Твоя, Господи сил! Желает и скончается душа моя во дворы Господни; сердце мое и плоть моя возрадовастася о Бозе Живе. Ибо птица обрете себе храмину, и горлица гнездо себе, идеже положит птенцы своя; олтари Твоя, Господи сил, Царю мой и Боже мой. Блажени живущии в доме Твоем, в веки веков восхвалят Тя. Блажен муж, емуже есть заступление его у Тебе, восхождения в сердцы своем положи. Во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице Христа Твоего. Яко лучше день един во дворех Твоих паче тысяч; изволих приметатися в дому Бога моего паче, неже жити ми в селениях грешничих. Яко милость и истину любит Господь, Бог благодать и славу даст, Господь не лишит благих ходящих незлобием. Господи Боже сил, блажен человек уповаяй на Тя.

### Псалом 84

Благоволил еси, Господи, землю Твою, возвратил еси плен Иаковль. Оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны, или простреши гнев Твой от рода в род? Боже, Ты обращаеши оживиши ны, и людие Твои возвеселятся о Тебе. Яви нам, Господи, милость Твою, и спасение Твое даждь нам. Услышу, что речет о мне Господь Бог: яко речет мир на люди Своя, и на преподобныя Своя, и на обращающия сердца к Нему. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастася. Истина от земли возсия, и правда с небесе приниче. Ибо Господь даст благость, и земля наша даст плод свой. Правда пред Ним предыдет, и положит в путь стопы своя.

### Псалом 85

Приклони, Господи, ухо Твое, и услыши мя, яко нищ и убог есмь аз. Сохрани душу мою, яко преподобен есмь: спаси раба Твоего, Боже мой, уповающаго на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взях душу мою. Яко Ты, Господи, благ и кроток, и многомилостив всем призывающим Тя. Внуши, Господи, молитву мою, и вонми гласу моления моего. В

---

<sup>1</sup> ЧАС ДЕВЯТЫЙ – это славословие совершалось при приближении конца дня: окончилась еще одна его четверть. Девятый час в честь Пресвятой Троицы, так как девять часов троекратно указывают на троичность лиц. В девятом часу распятый за нас Господь наш Иисус Христос, возгласив, предал Богу Отцу Свою душу и соделался совершенной жертвой за нас, людей. Тогда-то земля потряслась, камни распались, гробы отверзлись и многие усопшие святые восстали, сущие во аде сделались свободными. В псалмах девятого часа мы благодарим Того, Который за нас умер плотию., Который, предав Свою душу, принес наши души Отцу и Который Своей смертью оживил нас, разрушил нашу смерть.



день скорби моя воззвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, приидут и поклонятся пред Тобою, Господи, и прославят имя Твое, яко великий еси Ты, и творяй чудеса, Ты еси Бог един. Настави мя, Господи, на путь Твой, и пойду во истине Твоей: да возвеселится сердце мое бояться имене Твоего. Исповемся Тебе, Господи Боже мой, всем сердцем моим, и прославлю имя Твое в век, яко милость Твоя велика на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою, и не предложиша Тебе пред собою. И Ты, Господи Боже мой, щедрый и милостивый, долготерпеливый, и многомилостивый и истинный, призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знамение во благо, и да видят ненавидящии мя, и постыдятся, яко Ты, Господи, помог ми и утешил мя еси

Слава, и ныне: Аллилуия, аллилуия, аллилуия, слава Тебе, Боже. *(Трижды с поклонами.)*

Господи, помилуй. *(Трижды.)*

### Тропарь воскресный, глас 6

Слава: Ангельския силы на гробе Твоем, и стрегущия омертвеша, и стояше Мария во гробе ищущи Пречистаго Тела Твоего. Пленил еси ад, не искусився от него; сретил еси Деву, даруяй живот. Воскресый из мертвых, Господи, слава Тебе.

И ныне: Иже нас ради рождейся от Девы, и распятие претерпев, Благий, испровергий смертью смерть, и воскресение явлей яко Бог, не презри, яже создал еси рукою Твоею; яви человеколюбие Твое, Милостиве, прими рождшую Тя, Богородицу, молящуюся за ны, и спаси, Спасе наш, люди отчаянныя.

Не предаждь нас до конца, имене Твоего ради, и не разори завета Твоего, и не отстави милости Твоея от нас, Авраама ради возлюбленнаго от Тебе, и за Исаака, раба Твоего, и Израиля святаго Твоего.

Трисвятое. Пресвятая Троице: Отче наш:

### Кондак воскресный, глас 6

Живонаначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Вокресение и Живот, и Бог всех.

Господи, помилуй. *(40 раз).*

### Молитва свт. Василия Великого

Иже на всякое время, и на всякий час, на Небеси и на земли покланяемый и славимый, Христе Боже, долготерпеливе, многомилостиве, многоблагодутробне, Иже праведныя любяй, и грешныя милуяй, Иже вся зовый ко спасению обещания ради будущих благ, Сам, Господи, прими и наша в час сей молитвы, и исправи живот наш к заповедем Твоим, души наша освяти, телеса очисти, помышления исправи, мысли очисти, и избави нас от всякия скорби, зол и болезней, огради нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи, помилуй. *(Трижды.)*

Слава, и ныне:

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем. *(Поклон.)*

Именем Господним благослови, отче.

Молитвами святых отец наших, Господи Иисусе Христе Боже наш, помилуй нас. Аминь.

### Молитва свт. Василия Великого

Владыко Господи Иисусе Христе Боже наш, долготерпевый о наших согрешениях, и даже до нынешняго часа приведи нас, вонже на Животворящем Древе вися, благоразумному разбойнику иже в рай путесотворил еси вход, и смертью смерть разрушил еси, очисти нас грешных и недостойных раб Твоих. Согрешихом бо и беззаконновахом, и несмы достойни возвести очеса наша и воззрети на высоту небесную, зане оставихом путь правды Твоя, и ходихом в волях сердец наших. Но молим Твою безмерную благодать, пощади нас, Господи, по множеству милости Твоя, и спаси нас имене Твоего ради Святаго, яко исчезоша в суете дние наша, изми нас из руки сопротивнаго, и остави нам грехи наша, и умертви плотское наше мудрование, да ветхаго отложивше человека, в новаго облечемся; и Тебе поживем, нашему Владыце и Благодетелю, и тако Твоим последующе повелением, в вечный покой достигнем, идеже есть всех веселящихся Жилище, Ты бо еси воистинну истинное веселие и радость любящих Тя, Христе Боже наш, и Тебе славу возсылаем, со Безначальным Твоим Отцем, и Пресвятым и Благим и Животворящим Твоим Духом, ныне и присно и во веки веков. Аминь.

## ИЗОБРАЗИТЕЛЬНЫ

### Псалом 102

Благослови, душе моя, Господа, и вся внутренняя моя имя святое Его; благослови, душе моя, Господа, и не забывай всех воздаяний Его, очищающего вся беззакония твоя, изцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Творяй милостыни Господь и судьбу всем обидимым. Сказа пути Своя Моисеови, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует: не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его: елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко той позна создание наше, помяну, яко персть есмы. Человек, яко трава дние его, яко цвет сельный, тако оцветет; яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

Слава Отцу и Сыну и Святому Духу.

### Псалом 145

Хвали, душе моя, Господа. Восхваляю Господа в животе моем, пою Богу моему,

дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою; в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них; хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы; Господь возводит низверженныя, Господь любит праведники. Господь хранит пришельцы, сира и вдову примет и путь грешных погубит. Воцарится Господь во век, Бог твой, Сионе, в род и род.

И ныне и присно и во веки веков. Аминь.

### Песнь Господу Иисусу Христу

Единородный Сыне, и Слове Божий, безсмертен Сый и изволивый спасения нашего ради воплотитися от святыя Богородицы и Приснодевы Марии, непреложно вочеловечивыйся; распныйся же, Христе Боже, смертью смертью поправый, Един сый Святыя Троицы, прославляемый Отцу и Святому Духу, спаси нас.

### БЛАЖЕННЫ<sup>1</sup>

Во Царствии Твоем помяни нас, Господи, егда приидеши во Царствии Твоем.  
Блажени нищии духом, яко тех есть Царство Небесное.  
Блажени плачущии, яко тии утешатся.  
Блажени кротции, яко тии наследят землю.  
Блажени алчущии и жаждущии правды, яко тии насытятся.  
Блажени милостивии, яко тии помилованы будут.  
Помяни мя, Боже Спасе мой, егда приидеши во Царствии Твоем, и спаси мя, яко Един Человеколюбец.

*Стих:* Блажени чистии сердцем, яко тии Бога узрят.

Древом Адама прельтившагося, древом крестным паки спасл еси и разбойника, вопиюща: помяни мя, Господи, во Царствии Твоем.

*Стих:* Блажени миротворцы, яко тии сынове Божии нарекутся.

Адова врата и верей сокрушивый, Жизнодавче, воскресил еси вся, Спасе, вопиющия: слава востанию Твоему.

*Стих:* Блажени изгнани правды ради, яко тех есть Царство Небесное.

Помяни мя, иже смерть пленивый погребением Твоим, и Воскресением Твоим радости вся исполнивый, яко Благоутробен.

*Стих:* Блажени есте, егда поносят вам, и изженут, и рекут всяк зол глагол на вы, лжуще Мене ради.

Мироносицы ко гробу пришедша, Ангела зовуща слышаху: Христос воскрес, просветивый всяческая.

*Стих:* Радуйтесь и веселитесь, яко мзда ваша многа на Небесех.

На древе крестном пригвоздившагося, и мир от прелести избавльшаго, согласно вси Христа воспоим.

Слава: Отца, и Сына славословим, и Духа Святаго, глаголюще: Троице Святая, спаси души наша.

И ныне: Неизреченно в последняя зачеши, и рождши создателя Твоего, Дево, спасай Тя величающия.

### Трисвятое

Святыи Боже, Святыи Крепкий, Святыи Безсмертный, помилуй нас. (*Трижды без поклонов.*)

---

<sup>1</sup> БЛАЖЕННЫ – заповеди блаженств из Евангелия (Мф. 5, 3-12), которые читаются с тропарями из Октоиха

Слава, и ныне: Святой Безсмертный, помилуй нас.  
Святой Боже, Святой Крепкий, Святой Безсмертный, помилуй нас.

### Прокимен перед Апостолом

Прокимен, глас 6: Спаси, Господи, люди Твоя, и благослови достояние Твое.

*Прпев:* Спаси, Господи, люди Твоя, и благослови достояние Твое.

*Стих:* К Тебе, Господи, воззову, Боже мой, да не премолчиши от мене.

*Прпев:* Спаси, Господи, люди Твоя, и благослови достояние Твое.

*Стих:* Спаси, Господи, люди Твоя

*Прпев:* и благослови достояние Твое.

## АПОСТОЛ<sup>1</sup>

К Коринфяном послания святого апостола Павла чтение:

Братие, сказую вам благовествование, еже благовестих вам, еже и приясте, в немже и стоите, имже и спасаетесь, кацем словом благовестих вам, аще содержите: разве аще не все веровасте. Предах бо вам исперва, еже и приях, яко Христос умре грех наших ради, по писанием, и яко погребен бысть, и яко воста в третий день, по писанием, и яко явися Кифе, таже единонадесятым, потом же явися боле пяти сот братьям единою, от ниже множайшии пребывают доселе, нецыи же и почиша: потом же явися Иакову, таже апостолом всем: последи же всех, яко некоему извергу, явися и мне. Аз бо есмь мний апостолов, иже несмь достоин нарецися апостол, зане гоних церковь Божию. Благодатию же Божиею есмь, еже есмь: и благодать Его, яже во мне, не тща бысть, но паче всех их потрудихся: не аз же, но благодать Божия, яже со мною. Аще убо аз, аще ли они, тако проповедуем, и тако веровасте.

### Аллилуарий перед Евангелием

Глас 6: Аллилуия.

*Прпев:* Аллилуия, аллилуия, аллилуия.

*Стих:* Живый в помощи Вышняго, в крове Бога Небеснаго водворится.

*Прпев:* Аллилуия, аллилуия, аллилуия.

*Стих:* Речет Господеви: Заступник мой еси, и Прибежище мое, Бог мой, и уповаю на него.

*Прпев:* Аллилуия, аллилуия, аллилуия.

## ЕВАНГЕЛИЕ

От Матфея Святого Евангелия чтение.

Слава Тебе, Господи, слава Тебе (*поклон*).

Рече Господь притчу сию: уподобися Царствие Небесное человеку царю, иже восхоте стяжаться о словеси с рабы своими. Наченшу же ему стяжаться, приведоша ему единого должника тмою талант: не имущу же ему воздати, повеле и господь его продати, и жену его, и чада, и вся, елика имейше, и отдати. Пад убо раб той, кланяшеся ему, глаголя: господи, потерпи на мне, и вся ти воздам. Милосердовав же господь раба того, прости его и долг отпусти ему. Изшед же раб той, обрете единого (от) клевет своих, иже бе должен ему стом пенязь: и емь его давяше, глаголя: отдаждь ми, имже (ми) еси должен. Пад убо клевет его на нозе его, моляше его, глаголя: потерпи на мне, и вся воздам ти. Он же не хотяше, но вед всади его в темницу, дондеже воздаст должное. Видевше же клевети его бывшая, сжалиша си зело и пришедше сказаша господину своему вся бывшая. Тогда

---

<sup>1</sup> Здесь даны общие Апостол (1 Кор. 15, 1-11) и Евангелие (Мф. 18, 23-35) для всех воскресных дней, но можно читать те Апостол и Евангелие, которые указаны в Церковном календаре для литургии данного дня.

призвав его господин его, глагола ему: рабе лукавый, весь долг онь отпустих тебе, понеже умолил мя еси: не подобаше ли и тебе помиловати клеветы твоего, якоже и аз тя помиловах; И прогневався господь его, предаде его мучителем, дондеже воздаст весь долг свой. Тако и Отец Мой Небесный сотворит вам, аще не отпустите кийждо брату своему от сердец ваших прегрешения их.

Слава Тебе, Господи, слава Тебе (*поклон*).

Помяни нас, Господи, егда приидеши во Царствии Твоем. (*Поклон.*)

Помяни нас, Владыко, егда приидеши во Царствии Твоем. (*Поклон.*)

Помяни нас, Святой, егда приидеши во Царствии Твоем. (*Поклон.*)

Лик небесный поет Тя, и глаголет: Свят, Свят, Свят Господь Саваоф, исполни Небо и земля славы Твоея.

*Стих:* Приступите к Нему и просветитесь, и лица ваша не постыдятся.

Лик Небесный поет Тя, и глаголет: Свят, Свят, Свят Господь Саваоф, исполни Небо и земля славы Твоея.

Слава: Лик святых Ангел и Архангел, со всеми Небесными силами поет Тя, и глаголет: Свят, Свят, Свят Господь Саваоф, исполни Небо и земля славы Твоея,

И ныне: Верую во единого Бога Отца Вседержителя, Творца Небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденнаго прежде всех век. Света от Света, Бога истинна от Бога истинна, рожденна, не сотворенна, единосущна Отцу, Имже вся быша. Нас ради человек, и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребена. И воскресшаго в третий день по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую Соборную и Апостольскую Церковь. Исповедую едино крещение, во оставление грехов. Чаю воскресения мертвых, и жизни будущаго века. Аминь.

## Прошение

Ослаби, остави, прости, Боже, прегрешения наша, вольная и невольная, яже в слове, и в деле, яже в ведении и не в ведении, яже во дни и в нощи, яже во уме и в помышлении: вся нам прости, яко Благ и Человеколюбец.

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Кондак воскресный, глас 6

Живоначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, Вокресение и Живот, и Бог всех.

Господи, помилуй. (12 раз.)

Всесвятая Троице, единосущная державо, нераздельное царство, всех благих вина, благоволи же и о мне грешнем, утверди, вразуми сердце мое, и всю мою отыми скверну. Просвети мою мысль, да выну славлю, пою и поклоняюся, и глаголю: Един Свят, Един Господь, Иисус Христос, во славу Бога Отца. Аминь.

Буди имя Господне благословено отныне и до века. *(Трижды с поклонами.)*  
Слава, и ныне:

### Псалом 33

Благословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа, и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь: блажен муж, иже уповае на Нь. Бойтесь Господа, вси святии Его, яко несть лишения боящимся Его. Богатии обнищаша и възалкаша: зыскающии же Господа не лишатся всякаго блага. Приидите чада, послушайте мене, страху Господню научу вас. Кто есть человек хотяй живот, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо, възыщи мира и пожени и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Возваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

### ОКОНЧАНИЕ ИЗОБРАЗИТЕЛЬНЫХ

Достойно есть яко воистину блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем *(поклон)*.

Слава *(поклон)*, и ныне: *(поклон)*. Господи помилуй. *(Трижды)*. Господи, благослови. *(поклон)*

Воскресый из мертвых, Господи, Иисусе Христе Сыне Божий, молитвами Пречистыя Твоея Матери, святых, славных и всехвальных апостол, преподобных и богоносных отец наших, святаго *(празднуемого в этот день<sup>1</sup>)* и всех святых помилуй и спаси нас, яко благ и Человеколюбец. Аминь.

### Многолетие

Великаго Господина и Отца нашего *(имярек)*, Святейшего Патриарха Московскаго и всея Руси [и господина нашего (высоко)преосвященнейшаго *(имярек)*, митрополита *или* (архи)епископа *(титул)*], отцев наших духовных и вся православныя христианы, Господи, сохрани их на многая лета.

Господи, помилуй. *(Трижды.)*

---

<sup>1</sup> Имена святых, указанных на данный день в Православном церковном календаре.

## Необходимые пояснения

Воскресная служба – это суточный круг богослужений воскресного дня, который состоит из вечерни, повечерия, полунощницы, утрени и часов. Каждая служба также делится еще и на изменяемые и неизменяемые части. Неизменяемые части службы (например, псалом 103 и «Свете тихий» на вечерне, шестопсалмие на утрени) содержатся в Часослове (сборнике молитвословий и псалмов применительно к определенному времени богослужения) и Следованной Псалтири (Псалтирь в соединении с Часословом). Изменяемые части – стихиры, каноны и т.п. – в Октоихе (в переводе с греческого – «осьмогласник»), восемь голосов, так как церковные песнопения разделяются на восемь гласов, или напевов. Каждый глас употребляется в течение одной седмицы, на каждый глас существует полная недельная служба, то есть на каждый день седмицы для каждого гласа существуют свои собственные стихиры, каноны и проч.).

Воскресная служба 6-го гласа для вычитывания ее теми, кто не смог по какому-либо случаю быть в храме, всегда помещается в Следованной Псалтири и канонниках, но так как эти богослужебные книги рассчитаны на людей, знающих церковный Устав, там изменяемая и неизменяемая части службы печатаются отдельно и не сопровождаются никакими пояснениями. В нашей книге дается текст воскресной службы также 6-го гласа (шестой глас самый простой в исполнении – это распев общеизвестной стихиры «Царю Небесный») и все части службы соединены в одно последование, что позволяет пользоваться ею независимо от знания Устава.

Эта воскресная служба составлена в соответствии с 7-й главой Типикона (церковного Устава) «идеже бдение не бывает» («когда не бывает всенощного бдения»), хотя в храмах большей частью совершается всенощное бдение, т.е. соединение великой вечерни и утрени в одно продолжительное последование. Но в домашних условиях вычитывать его целиком за один субботний вечер было бы затруднительно, поэтому мы печатаем все службы по отдельности, чтобы было возможно, как это и указано в Уставе, в субботу вечером прочитывать вечерню и повечерие, а утром – полунощницу, утрению и часы. В случае необходимости можно утрению также вычитать с вечера.

Повечерие и полунощница не входят в состав всенощного бдения, поэтому в настоящее время почти не знакомы прихожанам. Эти службы сохранились лишь в монастырях. Они приведены в нашем издании для ознакомления. Их можно читать по желанию и тем, кто присутствовал на службе в храме. По монастырской традиции, повечерие соединяется с вечерними молитвами, а полунощница – с утренними.

Канон Божией Матерью из повечерия можно читать и отдельно в любое другое время.

В церковном богослужении служба воскресная соединяется со службами праздников или святых, празднуемых в этот день (службы содержатся в Минеях). В нашем издании, чтобы чрезмерно не усложнять его, воскресная служба дана так, как ее можно читать, если нет Миней.

Службы по приведенному образцу совершаются в воскресные дни большей части года, кроме периода пения Постной и Цветной Триодей, то есть Великим постом и от Пасхи до Троицы. В этот период можно читать воскресную службу с учетом следующих особенностей:

1. В воскресные дни от Недели мытаря и фарисея и до 5-й Недели Великого поста (т.е. воскресного дня, предшествующего празднику Входа Господня в Иерусалим) на утрени после 50-го псалма вместо «Молитвами апостолов...» поется песнь «Покаяния отверзи ми двери...»

2. В три приготовительные к Великому посту Недели (о блудном сыне, мясопустную и сыропустную) после 17-й кафизмы (перед тропарями по непорочных) читаются псалмы 134, 135 и 136 («На реках Вавилонских...»).

3. В Вербное воскресенье, на Пасху и в Неделю Святой Троицы служба совершается по особому последованию, для этих служб необходимо отдельное издание.

4. От Недели Фоминой до Отдания Пасхи в начале всех служб вместо «Царю

Небесный...», а также перед шестопсалмием читается трижды «Христос воскрес из мертвых...», на утрени после чтения Евангелия «Воскресение Христово видевше...» поется трижды, вместо воскресных канонов поется канон Святой Пасхи, в окончании всех служб – трижды «Христос воскрес из мертвых... и нам дарова живот вечный».

5. В воскресный день после Вознесения (перед шествующий Дню Святой Троицы) «Царю Небесный» не читается и ни чем не заменяется.

В нашем издании мы также руководствовались правилами чтения церковных служб в домашней молитве, приведенными в книгах архиеп. Вениамина «Новая Скрижаль» и еп. Афанасия (Сахарова) «О поминовении усопших по Уставу Православной Церкви»: во-первых, указанием, что церковные службы «могут быть иногда совершаемы без иерея людьми мирскими и могут совершаться вне храма, в домах» («Новая Скрижаль». С. 67). Там же указано, что вместо возгласа священника «Благословен Бог...» миряне начинают чтение всех служб «Молитвами святых отец...», так как «они не благословляют, как это делают иереи, потому что не имеют той благодати и власти..., но только просят Христа помиловать их молитвами отец, смиряясь пред Христом и не дерзая молиться от себя самих. Под именем же отцев они разумеют не одних только архиереев и иереев, но и лики всех святых».

Еп. Афанасий указывает на то, что, мирянину и ектений произносить не подобает. За ектении во всех случаях мирянин произносит только «Господи, помилуй»: за великую и просительную ектении – 12 раз, за сугубую – 40, за малую – по 3 раза» (с. 198).

В воскресный день совершаются только поясные поклоны – земные поклоны запрещены: «От богоносных отец наших канонически предано нам не преклонять колен в дни воскресные ради чести Воскресения Христова» (Правило 90-е Шестого Вселенского Собора).